


C40
4514
215


C40-4514



B 64863



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9




170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大方廣佛華嚴經疏卷第一并序
唐清涼山大華嚴寺沙門 澄觀撰

往復無際動靜一源含衆妙而有餘超言思而迥出者其唯法界歟剖裂玄微昭廓心境窮理盡性徹果該因汪洋沖融廣大悉備者其唯大方廣佛華嚴經焉故我世尊十身初滿正覺始成乘願行以彌綸混虛空爲體性富有萬德蕩無纖塵湛智海之澄波虛含萬象瞰性空之滿月頓落百川不起樹王羅七處於法界無違後際暢九會於初成盡宏廓之幽宗被難思之海會圓音落落該十刹而碩周生伴重重極



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

十方而齊唱雖空空絕跡而義天之星象燦然湛湛
亡言而教海之波瀾浩瀚若乃千門潛注與衆典爲
洪源萬德交歸攝羣經爲眷屬其爲旨也冥真體於
萬化之城顯德相於重玄之門用繁興以恒如智周
鑑而常靜真妄交徹卽凡心而見佛心事理雙修依
本智而求佛智理隨事變則一多緣起之無邊事得
理融則千差涉入而無礙故得十身歷然而相作六
位不亂而更收廣大卽入於無間塵毛包納而無外
炳然齊現猶彼芥瓶具足同時方之海滴一多無礙
等虛室之千燈隱顯俱成似秋空之片月重重交映

若帝網之垂珠念念圓融類夕夢之經世法門重承
若雲起長空萬行芬披比華開錦上若夫高不可仰
則積行菩薩曝腮鱗於龍門深不可闌則上德聲聞
杜視聽於嘉會見聞爲種八難超十地之階解行在
躬一生圓曠劫之果師子奮迅衆海頓證於林中象
王廻旋六千道成於言下啓明東廟智滿不異於初
心寄位南求因圓不逾於毛孔剖微塵之經卷則念
念果成盡衆生之願門則塵塵行滿真可謂常恒之
妙說通方之洪規稱性之極談一乘之要軌也尋斯
玄旨却覽餘經其猶呆日麗天奪衆景之耀須彌橫

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

力之內佛說法經卷第一

海落羣峯之高是以菩薩搜祕於龍宮大賢闡揚於東夏顧惟正法之代尚匿清輝幸哉像季之時偶斯玄化況逢

聖主得在靈山竭思幽宗豈無慶躍題稱大方廣佛華嚴經者卽無盡修多羅之總名世主妙嚴品第一者卽衆篇義類之別目大以曠兼無際方以正法自持廣則稱體而周佛謂覺斯玄妙華喻功德萬行嚴謂飾法成人經乃注無竭之涌泉貫玄凝之妙義攝無邊之海會作終古之常規佛及諸王並稱世主法門依正俱曰妙嚴分義類以彰品名冠羣篇而稱第

一斯經有三十九品此品建初故云大方廣佛華嚴

世主妙嚴品第一

歸命十方極三際 塵刹圓明調御師

法界功德大悲雲

毗盧遮那大智海

所住甚深真法性

所流圓滿修多羅

一一塵方佛會中

普賢文殊諸大士

我今欲以一毛智

測量無邊法界空

願承三寶同體慈

句句冥符諸佛意

俾令法眼常無缺

盡衆生界如普賢

170123456789180123456789190123456789

廻茲勝善洽羣生 速證菩提常樂果

將釋經義總啓十門一教起因緣二藏教所攝三義理分齊四教所被機五教體淺深六宗趣通局七部類品會八傳譯感通九總釋經題十別解文義初因緣者夫聖人設教必有由致若須彌巨海大方爲傾搖今搖如來融金之德山動深廣之智海非小緣矣故下經云非以一緣非以一事如來出現而得成就出現本爲大華嚴故先因後緣各開十義以顯無盡因十義者一法應爾故二酬宿因故三順機感故四爲教本故五顯果德故六彰地位故七說降行故八示真法故九開因性故十利今後故言法爾者天王道坦坦千古同規一乘玄門諸佛齊證故一切佛法爾皆於無盡世界常轉如是無盡法輪令諸衆生反本還源窮未來際無有休息故不思議品中明一切諸佛能於一身化現不可說不可說佛刹微塵數頭一一頭化爾所舌一一舌出爾所音聲乃至文字句義一一充滿一切法界無有窮盡斯則處以毛端橫該法界時以剎那豎窮劫海處則頓起時則常起不待別因但隨見聞說有初成九會之別諸慈悲者於無盡中略此流傳今尋於此見無邊法如觀

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

屠隙見無際空而此時處卽同無盡以一處卽一切處一時卽一切時故二酬宿因者何以法爾如是轉耶宿因深故夫根深則果茂源遠則流長宿因旣深教起亦大深大云何我佛世尊創躡玄蹤棲神妙寂悲智雙運行願齊周是以妄想弗翦而廓徹性空靈鑑匪磨而頓朗萬法乃以無障礙解脫闡斯妙門宿因雖多略有二種一者大願力故現相品云毗盧遮那佛願力周法界一切國土中恒轉無上輪兜率偈云如來不出世亦無有涅槃以本大願力示現自在法諸會佛加皆言願力及餘諸文成證非一二者昔行力故謂無量劫依願起行行成得果方能頓演故主山神偈云往修勝行無有邊今獲神通亦無量法門廣闢如塵數悉使衆生深悟喜三順機感者謂昔因法爾雖能常徧約可流傳皆由機感離機說法無所用故其猶上有白月下資澄潭潭清影現機感應生故兜率偈云見佛亦復然必假衆善業十方諸佛告功德林言及諸菩薩衆善根力故解脫月云此衆無諸垢志解悉明潔等皆是機感廣顯機感如第四教所被機中然此機感通於現未諸會當機卽是現在今之聞者是未來機四爲教本者謂非海無以潛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

流非本無以垂末將欲逐機漸施末教先示本法頓演此經然亦有二一爲開漸之本出現品云如日初出先照高山故二爲攝末之本如日沒時還照高山故無不從此法界流無不還歸此法界故法華亦云始見我身聞我所說卽皆信受入如來慧此漸本也次云除先修習學小乘者卽開漸也又云我今亦令得聞是經入於佛慧卽攝末歸本也斯則法華亦指此經以爲本矣五顯果德者謂此本法中顯佛勝德令諸菩薩信向證故不識寶玉不得其用不知此德安能仰求然果德有二一依果謂華藏世界海等二

正果如來十身等此二無礙以爲佛德然依正無礙通有六句一依內現依如塵中刹海二正內現正如毛孔現佛三正內現依四依內現正五依內現依正六正內現正依其文非一又有四句一或唯依佛卽刹故二或唯正刹卽佛故三俱四泯思之可知隨舉一門則攝一切並如下說六彰地位者爲顯菩薩修行佛因一道至果有階差故夫聖人之大寶曰位若無此位行無成故此亦二種一行布門立位差別故二圓融門一位卽攝一切位故一位滿卽至佛故初地云一地之中具攝一切諸地功德信該果海初

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

發心時便成正覺等然此二無礙以行布是教相施設圓融是理性德用相是卽性之相故行布不礙圓融性是卽相之性故圓融不礙行布圓融不礙行布故一爲無量行布不礙圓融故無量爲一無量爲一故融通隱隱一爲無量故涉入重重故世親以六相圓融上下之文非一七說勝行者欲登妙位非行不階故君子不患無位患已不立行亦二種一頓成諸行一行一切行故十住品云一卽是多多卽一等普賢行品說一斷一切斷等故二徧成諸行此卽行布謂自大菩提心體相功德乃至等覺中行此二無礙例如位說八示真法者欲成行位須解法理不體理事行亦非真故兜率偈云不了真實法諸佛故興世此亦二種一顯事理無礙法二顯事事無礙法並如意分齊說九開因性者謂上因果理事皆由衆生性有若性非金玉雖琢不成寶器良以衆生包性德而爲體依智海以爲源但相變體殊情生智隔今令知心合體達本情亡故談斯經以爲顯示亦有二種一以言顯示令其知有二使其修行悟入顯現如下破塵出經卷等亦如法華云唯以一大事因緣故出現於世所謂開示悟入佛之知見衆生等有故言唯一

十利今後者既等有其分故廣利無邊此亦二種一
利今卽佛在當機二利後卽今之見聞發心品云我
等諸佛護持此法令未來世一切菩薩未曾聞者皆
悉得聞此益復二一令得見聞爲堅種故出現品云
如人食少金剛終竟不消等二令起行成證入故出
現又云設有菩薩無量百千億那由他劫行六波羅
蜜修習種種菩提分法若未聞此如來不思議大威
德法門或時聞已不信不解不順不入不得名爲真
實菩薩以不能生如來家故若聞此法信解隨順悟
入當知此人生如來家乃至深入如來無量境界良

以有作之修多劫終成敗壞無心體極一念便契佛
家賢首品云十刹塵數如來所悉皆承事盡一劫若
於此品能誦持其福最勝過於彼等又此利益別對
前九成十種益謂一聞法爾則知常徧成見聞益二
聞本行願學佛發興成發心益三聞機感知法由善
起成造修益四聞爲本知其義圓成頓得益五聞界
德則信樂願齊成滅障益六聞位期心證入成攝位
益七聞行發意修行成起行益八聞法決須解了成
稱性益九聞因知一切皆同成轉利益十總具前九
成速證益故前九因首爲今益亦可前一一門皆成

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大藏經卷之三

三

四

十益可以意得因上十義故此教興發心品中有十所因彼云以佛神力故世尊本願力故等因緣相參對會因緣可以意得二明說經緣者一切經首說時方人等皆是緣起今有十緣一依時二依處三依主四依三昧五依現相六依說者七依聽者八依德本九依請者十依加者今初依時夫心冥至道則混一古今法界無生本亡時分下經偈云諸佛得菩提實不計於日況無涯之說念劫圓融哉今以無時之時略顯十重時別初唯一念二盡七日三徧三際四攝同類劫五收異類劫六以念攝劫七劫念重收八異類界時九彼此相入十以本收末謂以非劫爲劫故於前十時恒演此經又此十種隨一圓收依此說時則無終始亦隨見聞說初成等如前法爾中辯若依此時則迥異餘教而餘教時不出於此或說三七六七等隨見聞故廣如旨歸第二依處者夫智窮真際能所兩亡假說依真而非國土況刹塵卽入染淨參融圓滿教之普周難以分其處別然真非事外不壞土說居摩竭等故有云處淨土說在華藏故有云如實義者二種身土無定異處卽於一處見聞異故上

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

之三義後一近宗然說此經處淨穢無礙通局交徹各二四句初淨穢中謂或唯染或唯淨如前二義或俱華藏內娑婆故或汙染淨相盡同一法界故又或唯染摩竭等覆淨相故或唯淨其地金剛染相盡故或俱隱顯無礙故或俱非各相形奪二相盡故次明通局交徹二四句者謂或局此一界故或通該十方故或俱卽此卽徧故或汙二相盡故又或局此界攝一切故或通此入一切故或俱卽攝卽入故或汙形奪相盡故又以一塵例刹亦有四句可知若從陥至寬略顯十處初此閻浮七處九會而周法界如升須

彌品二周百億同類一界亦徧法界如光明覺品三徧異類樹形等刹四徧刹種五徧華藏六徧餘刹海若種若刹七徧前六類刹塵皆有同異類刹八盡虛空界容一一毛端之處各有無邊刹海九猶帝網十餘佛同然上十類一一各徧法界而前九正是遮那說法之處然說十住等處雖復各徧法界乃至塵毛爲門不同亦無雜亂若約十住與十行等全位相攝則彼此互無各徧法界若約諸位相資則此彼互有同徧法界一一品會準此知之十餘佛同者此佛既爾餘佛亦然故諸會結通皆云我等諸佛亦如是說

170 1 2 3 4 5 6 7 8 9

10

11

12

13

14

15

16

17

18

19

20

21

22

23

24

25

26

27

28

29

30

31

橫述

卷之六

七

解一

然主主不相見伴伴不相見主伴主則互相見若互不相見卽各徧法界互相見故同徧法界亦無雜亂亦無障礙又上十處共爲緣起舉一全收以一處稱法性故而隨前一一時皆徧此諸處又隨一處皆具前時頓說此經此猶約器世間說若約智正覺及衆生世間卽一一佛身支節毛孔皆攝無盡重重之刹普賢衆生一一皆爾竝是遮那說經之處第三依主者夫真身寥廓與法界合其體包羅無外與萬化齊其用窮源莫二執跡多端一身多身經論異說今說此經佛爲真爲應爲一爲多若言真者何名釋迦居娑婆界人天同見若云應者那言遮那處蓮華藏大菩薩見見佛法身若云一者何以多處別現若云異者何以復言而不分身故說此經佛並非前說卽是法界無盡身雲真應相融一多無礙卽盧遮那是釋迦故常在此處卽他處故遠在他方恒住此故身不分異亦非一故同時異處一身圓滿皆全現故一切菩薩不能思故今先明十身後彰無礙言十身者自有二義一約融三世間爲十者一衆生身二國土身三業報身四聲聞身五緣覺身六菩薩身七如來身八智身九法身十虛空身二就佛上自有十

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大藏經卷第十一

身一菩提身二願身三化身四力持身五相好莊嚴
身六威勢身七意生身八福德身九法身十智身廣
顯其相如第八地及離世間品辯言無礙者略有十
義一用周無礙謂於上念劫刹塵等處遮那佛現法
界身雲業用無邊悉周徧故經云如於此處見佛坐
一切塵中亦如是等其文非一二相徧無礙謂於上
差別用中各攝一切業用故三寂用無礙無私成故
四依起無礙無心頓現海印力故五真應無礙應卽
同法一味平等故六分圓無礙一身分卽具全身
故七因果無礙不礙現因故八依正無礙不礙現依
故九潛入無礙入衆生界如如來藏雖作衆生不失
自性故故出現品云佛智潛入衆生心又云衆生心
中有佛成正覺等又亦攝一切衆生在一毛孔善化
天王云汝應觀佛一毛孔一切衆生悉在中等十圓
通無礙謂此佛身卽理卽事卽一卽多卽依卽正卽
人卽法卽此卽彼卽情卽非情卽深卽廣卽因卽果
卽三身卽十身同一無礙法界身雲以此身雲徧前
時處常說華嚴是知或說報身在色究竟約攝報說
或說報身在餘淨土約引攝說或說舍那坐千葉華
攝二地說或說登地方見約勝機說或分三異從體

10123456789180123456789190123456789

相用說俱非此經真實之義設分三十不同亦權實對說若不融前義亦失經宗第四依三昧者夫動靜唯物聖豈然乎示軌後徒明將有說必須靜鑑前理受諸佛加從定起而發言言必真當言必真當受者之心自然篤矣故於諸會多明入定爲說經緣有不入者至文當說其所入定皆盡法源業用難思第五依現相者謂法性寂寥雖無諸相無相之相不礙繁興起教多端相非一準或放光動刹或華雨香雲皆爲發起故諸會之內將欲說法多先放光通表智光以被物故然有二種一不壞次第光隨位增微故

二圓通無礙光隨一一光皆結通故隨處放異總有十光各有所表至文當知其動地等多在說後則但是慶聞如十地中雖是慶前義兼起後則是教緣第六依說人者法無廢興弘之由人下文云佛法無人說雖慧莫能了今此能說通三世間開卽爲五謂佛菩薩聲聞衆生及器更開爲十謂加三世微塵毛孔器及有情各有分圓故毛孔微塵即是分說此上諸說通三世故故普賢行品云佛說衆生說及以國土說三世如是說等廣則無量法界品中類非一故如僧祇隨好卽是佛說餘會多菩薩說法界品初有聲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

聞說諸善友等多菩薩說亦名衆生說菩提樹等卽器界說至文當知其能說人用法不同或用音聲或用妙色等如教體中辯第七依聽人者子期云喪百牙輒絃若無聽者終無有說卽下諸衆略有十類至文當明除當機衆餘皆是緣第八依德本者川有珠而不枯山有玉而增潤內無德本外豈能談然唯約說者前人此法故略有二類一者智慧最爲首故十方諸佛告金剛幢言及由汝智慧清淨故告金剛藏言亦是汝勝智力故二者餘行願力十方諸佛告普賢言亦以汝修一切諸行願力故十方諸佛告法慧言及汝所修諸善根力令汝入是三昧而演說法若感者善根若化主行願皆屬說因第九依請人者若約慈悲深厚亦有無問自談若約敬法重人要須誠請後說初心識昧未解諮求上智慈悲騰疑啓請然有二類一者言請二者念請諸會有無現相品當辯第十依能加者夫聖無常應應于克誠心冥至極故得佛加然若佛自說則不俟加如第九會因人有說要假上加其第八會行依法修不異前故略有加二七不入定故無有加餘皆具有所以加者欲顯諸佛同加卽同說故一說一切說故亦顯果海無言因

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

相可說故若爾僧祇隨好應非一切表微細難知故超出因果故然施設不同不應一準加有二種一者顯加具於三業二者冥加但與智令說普光法界無顯有冥餘皆具二顯必有冥故餘至下明教起因緣竟第二藏教所攝中二先藏攝後教攝前中亦二先藏後攝今初藏謂三藏二藏通稱藏者以含攝故世親攝論第一莊嚴論第四皆云彼三及二云何名藏答云由攝故謂攝一切所應知義攝卽包含言三藏者一修多羅藏二毗奈耶藏三阿毗達磨藏初中先辯名後顯相今初亦名修祐路亦名素怛纜此皆梵

音楚夏古譯爲契經智論之中名爲經藏契謂契理契機經謂貫穿攝化卽契理合機之經依主受名契經卽藏持業釋也復云正翻名線線能貫契經能持緯此方不貴線稱故存於經有云按五印度呼線席經井索聖教皆曰修多羅則經正是敵對斥於古德經非敵對今更詳之若一名四實皆爲敵對則古如所破若兼順義經自屬於席經敵對應名聖教故梁攝論譯爲聖教彼論云有阿毗達磨非是聖教爲成聖教故加修多羅名古德見此儒墨皆稱爲經遂借彼席經以目聖教則雙含二義俱順兩方借義助名

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

更加辨字據異席經甚爲允當二顯相者西域四名所目雖殊意義相似故同稱修多羅而聖教多含具上三義故雜心云經有五義一曰涌泉二曰出生三曰顯示四曰繩墨五曰結鬘涌泉則注而無竭出生則展轉滋多義同井索有汲引故顯示正是聖教顯事理故繩墨則肯定正邪亦是繩之爲經能持於緯同席經義結鬘同線線能貫華結成鬘故總上五義不出貫攝故佛地論第一云能貫能攝故名爲經以佛聖教貫穿攝持所應說義所化生故此或貫攝通所說所化或貫穿法相攝持所化又世親攝論釋貫穿云謂能貫穿依故相故法故義故依者謂於是處由此爲此而有所說相者謂世俗諦相勝義諦相法者謂蘊界處緣起諦食靜慮無量無色解脫勝處偏處菩提分無礙解無諍等義者隨順密意說等瑜伽二十五顯揚二十大同此說餘義至十二分中當明第二毗奈耶藏初名後相前中亦名毗尼梵言之略耳此翻爲調伏謂調練三業制伏過非調練通於止作制伏唯明止惡就所詮之行彰名卽調伏之藏或能詮藏有調伏之能卽有財釋契經藏中類有此釋毗尼或翻爲滅滅有三義一滅業非二滅煩惱三得

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

滅果或名尸羅具云翅怛羅此云清涼離熱惱因得
 清涼果故亦名波羅提木又此云別解脫此就因得
 名然有二義一揀異定道名之爲別二三業七支各
 各防非故名爲別亦翻爲隨順解脫此據果立隨順
 有爲無爲二種解脫果故亦名性善如十誦律亦名
 守信如昔所受實能持故後顯相者前名之中已舍
 止作卽毗尼相若別說者世親攝論云毗柰耶有四
 義謂犯罪故等起故還淨故出離故廣如彼論第三
 阿毗達磨藏阿毗名對達磨云法法有二種一勝義
 法謂卽涅槃是善是常故名爲勝二法相法通四聖
 諦相者性也狀也二俱名相法旣有二對亦二義一
 者對向謂向前涅槃二者對觀觀前四諦其能對者
 皆無漏淨慧及相應心所等由對果對境分二對名
 故慧但是對而非是法非所對故言對法者法之對
 故故對法藏特名慧論舊譯爲無比法以詮慧勝故
 世親攝論云阿毗達磨有四義謂對故數故伏故通
 故對義同前數者於一一法數數宣說訓釋言辭自
 焉等無量差別故伏者由此具足論處所等能勝
 伏地論故通者此能通釋素怛饗義故亦名優婆提
 含此云論義亦名磨怛理迦此云本母謂以教與義

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爲本爲母亦云依藏生解藏爲解母本卽是母亦名摩夷此云行母依藏成行故行之母故然此三藏約其所詮略有二門一者剋性則經詮三學戒唯戒心二學論唯慧學如攝論說二約兼正則三藏之中經正詮定毗尼詮戒論詮於慧兼各通三第二用二藏者一聲聞藏二菩薩藏卽由前三藏詮示聲聞理行果故名聲聞藏詮示菩薩理行果故名菩薩藏故莊嚴論第四云此三藏由上下乘差別故復爲聲聞藏及菩薩藏攝大乘同此此就二乘理果同故合之若約教行別故卽開三乘以爲三藏如普超等經又由

緣覺多不籍教出無佛世佛在世時攝屬聲聞故但分爲二卽是大小半滿不同第二明所攝者此經三藏之中正唯修多羅攝兼詮餘二十藏等品廣顯戒故問明等品顯論義故若就修多羅中以義揀教則唯十藏攝具足主伴顯無盡故教義融故二藏之中唯菩薩藏若分權實但菩薩藏一分所攝權不攝故若約此攝乃至聲聞亦此經攝此能包含無量乘故掠於權實至下立教中明已辯藏攝第二明教攝者教有二種一者通相十二分教亦分大小至下十藏品辯二者諸宗立教不同今當略釋夫教海沖深法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大藏經

卷

册

雲彌漫智光無際妙辯叵窮以無言之言詮言絕之理以無變之變應無窮之機極位所承凡情難挹今乘理教之力略啓四門一大意合離二今古違順三分宗立教四總相會通今初且西域東夏弘闡之流於一代聖言或開宗分教或直釋經文以皆含得失故耳且不分之意略有五焉一則理本一味殊塗同歸故不可分也二一音普應一雨普滋故三原聖本意爲一事故四隨一一文衆解不同故五多種說法成枝流故以斯五義故不可分分之乃令情構異端是非競作故以不分爲得其分教者亦有多義一理雖一味詮有淺深故須分之使知權實二約佛雖則一音就機差而教別三本意未申隨他意語而有異故四言有通別就顯說故五雖分權實須善會佛意有開顯故又王之密語所爲別故不識權實以深爲淺失於大利以淺爲深虛其功故莊嚴聖教令深廣故諸聖教中自有分故諸大菩薩亦開教故以斯多義開則得多而失少合則得少而失多但能虛已求宗不可分而分之亦何爽於大旨故今分之第二古今違順曲分爲二先敍此方後明西域今初諸釋雖衆略敍數家勒爲五門一立一音教謂如來一代之

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

教不離一音然有二師一後魏菩提流支云如來一
音同時報萬大小並陳二姚秦羅什法師云佛一
音平等無二無思普應機聞自殊非謂言音本陳大
小故維摩經云佛以一音演說法衆生各各隨所解
上之二師初則佛音具異後則異自在機各得圓音
一義然並爲教本不分之意耳第二立二種教自有
四家一西秦曇牛識三藏立半滿教卽聲聞藏爲半
字教菩薩藏爲滿字教隋達法師亦同此立斯則文
據涅槃蓋是對小顯大通相之意未於大中顯有權
實亦含半滿二隋達法師立漸頓二教謂約漸

大由小起所設具有三乘故名爲漸若約頓機直往
於大不由於小名之爲頓此雖約機說有漸頓而所
說法不出半滿三唐初印法師亦立二教一屆曲教
謂釋迦經以逐機性自在說故如華嚴經又此二
教謂舍那經以逐法性自在說故如涅槃等二平道
教略有四異一主異謂釋迦化身與盧舍那十身異
故二處異謂娑婆界木樹草座與華藏界中寶樹寶
座等異故三衆異謂爲聲聞及菩薩說與唯菩薩及
極位同說異故四說異謂局處之說與該通十方之
說異故此約化儀以判然華嚴雖有隨諸衆生各別

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

調伏皆是稱性善巧一時頓演涅槃等雖說一極或對權顯實或會異歸同一切如來或說不說故云屈曲約釋迦爲主則未顯十身十身爲主必具釋迦娑婆之處未融華藏華藏之處必融娑婆略云四異其實有多誠如所判但以屈曲之內未顯法之權實耳四齊朝隱士劉虬亦立漸頓二教謂華嚴經名爲頓教餘皆名漸始自鹿苑終於雙林從小之大故然此經如日初出先照高山卽是頓義慈龍降雨以證漸義於理可然漸約五時次下當辯第三立三種教亦有三家一南中諸師同立三教謂於前漸頓加不定教由漸中先小後大而央掘經六年之內卽說爲遮此難故立不定謂別有一經雖非頓攝而明佛性常住卽勝鬘金光明等是爲偏方不定教也漸中開合諸師不同或但分爲二卽是半滿或分爲三卽武丘山炭法師謂十二年前見有得道名有相教十二年後齊至法華見空得道名無相教最後雙照一切衆生佛性闡提作佛名常住教此與唐三藏三時之教大同至敘西域中說真諦三藏依金光明立轉照持三輪之教亦大同此而時節小異謂七年前說四諦名轉法輪七年後說般若具轉照二輪以空照有故

三十年後具轉照持以雙照空有持前二故或分爲四卽宋朝岌法師謂於前三時無相之後常住之前指法華經爲同歸教以會三歸一萬善悉向菩提故或開爲五然有二家一道場慧觀等於無相之後同歸之前指淨名思益等爲抑揚教二者卽前劉公不開抑揚而有教之初取提胃經爲人天教上來諸師皆於漸中約時開異若不加不定之教則招難尤多以初有大故雖加不定猶有妨難略顯五時之妨餘可例知初明十二年前爲有相者自達成論成論云我今正明三藏中實義實義卽空又阿含中云無是老死卽法空也無誰老死卽生空也又智論云三藏中明法空爲大空摩訶衍中明十方空爲大空皆顯小乘已有二空若云第二時說空者十二年後方制廣戒豈唯說空又智論云從得道夜乃至涅槃常說般若豈前不說空若云第二時中未顯常住者實相般若豈無常耶涅槃亦說佛性亦名般若是知實相般若卽是正因佛性觀照卽爲了因又般若離四句何曾存空般若不壞四句豈無妙有是知小大各有四門而但言初有次空者各得一門之意耳若云第三時中但名抑揚亦非常者淨名云佛身無爲不墮

170 1 2 3 4 5 6 7 8 9

180 1 2 3 4 5 6 7 8 9

190 1 2 3 4 5 6 7 8 9

200 1 2 3 4 5 6 7 8 9

諸數觀身實相觀佛亦然豈無常耶般若亦云二乘智慧猶如螢光菩薩一日學智如日之照豈非抑揚若云第四時中但顯同歸亦未明常者壽量品云常住不滅又方便品云世間相常住等豈無常耶五以涅槃爲常住者當教可爾而涅槃之時亦有小乘之見如阿含中說如來涅槃之相故若以人天爲初者提胃雖說戒善得道皆通三乘故彼經云提胃得不起法忍又違密跡經中第二七日說三乘故然上五時等皆以約時剋定則有所乖揀去不定從多分說亦有理在二後魏光統律師承習佛陀三藏亦立三教謂漸頓圓初爲根未熟者先說無常後方說常先空後不空等如是漸次故名爲漸二爲根熟之輩於一法門具足演說常無常空不空等一切具說更無由漸故名爲頓三爲於上達分階佛境之者說於如來無礙解脫究竟果德圓滿祕密自在法門故名爲圓此亦約化儀說有前後耳意明今時堪受頓者必昔曾受化故云根熟上達之言義兼地前分階佛境卽謂地上於理亦通三隋末唐初吉藏法師依法華第五立三種法輪一始見我身聞我所說卽皆信受入如來慧卽根本法輪二除先修習學小乘者卽枝

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220 1 2 3 4 5 6 7 8 9 230 1 2 3 4 5 6 7 8 9 240 1 2 3 4 5 6 7 8 9 250 1 2 3 4 5 6 7 8 9 260 1 2 3 4 5 6 7 8 9 270 1 2 3 4 5 6 7 8 9 280 1 2 3 4 5 6 7 8 9 290 1 2 3 4 5 6 7 8 9 300 1 2 3 4 5 6 7 8 9 310 1 2 3 4 5 6 7 8 9 320 1 2 3 4 5 6 7 8 9 330 1 2 3 4 5 6 7 8 9 340 1 2 3 4 5 6 7 8 9 350 1 2 3 4 5 6 7 8 9 360 1 2 3 4 5 6 7 8 9 370 1 2 3 4 5 6 7 8 9 380 1 2 3 4 5 6 7 8 9 390 1 2 3 4 5 6 7 8 9 400 1 2 3 4 5 6 7 8 9 410 1 2 3 4 5 6 7 8 9 420 1 2 3 4 5 6 7 8 9 430 1 2 3 4 5 6 7 8 9 440 1 2 3 4 5 6 7 8 9 450 1 2 3 4 5 6 7 8 9 460 1 2 3 4 5 6 7 8 9 470 1 2 3 4 5 6 7 8 9 480 1 2 3 4 5 6 7 8 9 490 1 2 3 4 5 6 7 8 9 500 1 2 3 4 5 6 7 8 9 510 1 2 3 4 5 6 7 8 9 520 1 2 3 4 5 6 7 8 9 530 1 2 3 4 5 6 7 8 9 540 1 2 3 4 5 6 7 8 9 550 1 2 3 4 5 6 7 8 9 560 1 2 3 4 5 6 7 8 9 570 1 2 3 4 5 6 7 8 9 580 1 2 3 4 5 6 7 8 9 590 1 2 3 4 5 6 7 8 9 600 1 2 3 4 5 6 7 8 9 610 1 2 3 4 5 6 7 8 9 620 1 2 3 4 5 6 7 8 9 630 1 2 3 4 5 6 7 8 9 640 1 2 3 4 5 6 7 8 9 650 1 2 3 4 5 6 7 8 9 660 1 2 3 4 5 6 7 8 9 670 1 2 3 4 5 6 7 8 9 680 1 2 3 4 5 6 7 8 9 690 1 2 3 4 5 6 7 8 9 700 1 2 3 4 5 6 7 8 9 710 1 2 3 4 5 6 7 8 9 720 1 2 3 4 5 6 7 8 9 730 1 2 3 4 5 6 7 8 9 740 1 2 3 4 5 6 7 8 9 750 1 2 3 4 5 6 7 8 9 760 1 2 3 4 5 6 7 8 9 770 1 2 3 4 5 6 7 8 9 780 1 2 3 4 5 6 7 8 9 790 1 2 3 4 5 6 7 8 9 800 1 2 3 4 5 6 7 8 9 810 1 2 3 4 5 6 7 8 9 820 1 2 3 4 5 6 7 8 9 830 1 2 3 4 5 6 7 8 9 840 1 2 3 4 5 6 7 8 9 850 1 2 3 4 5 6 7 8 9 860 1 2 3 4 5 6 7 8 9 870 1 2 3 4 5 6 7 8 9 880 1 2 3 4 5 6 7 8 9 890 1 2 3 4 5 6 7 8 9 900 1 2 3 4 5 6 7 8 9 910 1 2 3 4 5 6 7 8 9 920 1 2 3 4 5 6 7 8 9 930 1 2 3 4 5 6 7 8 9 940 1 2 3 4 5 6 7 8 9 950 1 2 3 4 5 6 7 8 9 960 1 2 3 4 5 6 7 8 9 970 1 2 3 4 5 6 7 8 9 980 1 2 3 4 5 6 7 8 9 990 1 2 3 4 5 6 7 8 9 1000 1 2 3 4 5 6 7 8 9

未法輪三我今亦令得聞是經入於佛慧卽攝末歸本法輪此判全約化儀據法但有大小然法華爲於一類開顯本末若將定判一代聖教收義不盡以法華之前亦有大故豈般若等皆爲枝末又無量義云佛一切時說大小故

大方廣佛華嚴經疏卷第一

音釋

剖普厚切

纖思廉切

瞰吉了切

浩瀚瀚侯旰切

廣大貌

浩瀚瀚侯旰切

曝曝步木切

肥系才切

瞶也

缺規切

齒善切

匿女力切

暭株劣切

都故

闡小視也

闡顯也

匿女力切

匿女力切

輒止也

坦他但切

牖以九切

牖以九切

牖以九切

牖以九切

翅施智切

叵普火切

扼抒也

扼抒也

扼抒也

扼抒也

𡇗魚及切

𡇗魚及切

𡇗魚及切

𡇗魚及切

𡇗魚及切

𡇗魚及切

丹陽居士賀懋懋照懋瑩懋燾懋燦懋煒仰承

先嚴賀學禮遺願資貲刻此

大方廣佛華嚴經疏卷第一

計字九千二百

六十四箇該銀四兩六錢八分四釐海虞弟子契慧淨住沙彌契機同對崇禎二年夏月徑山化城寺識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

標題

大方廣佛華嚴經疏

卷二

山刪

大方廣佛華嚴經疏卷第二

唐清涼山大華嚴寺沙門 澄觀撰

第四立四教者略有四家一梁朝光宅法師依法華
第二立四乘教謂臨門三車卽是權教三乘四衢等
賜卽實教大乘以臨門牛車亦同羊鹿俱不得故並
無體故諸子皆索故是知三皆虛指以爲方便此則
前三是三乘後一是一乘無乖教理若唯說法華爲
實則抑諸般若及諸大乘了義之經是知昔大亦有
權實法華但會昔權故說三皆虛指昔實不滯方便
故不會之若約會權歸實卽是會三爲一若破小顯

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大即是會二歸一若開權顯實則三是一更無別一
 故彼經云汝等所行是菩薩道先所出內是子所知
 若廢權立實義說爲四如攬三點以成一伊點別非
 伊伊具三點昔三既別實不兼權今一全兼成四無
 矢若依昔未顯說一切具有如來知見根敗之種今
 並說成則今昔有異於文有據義亦極成二陳隋二
 代天台智者承南岳思大師立四教云一三藏教此
 教明因緣生滅四真諦理正教小乘旁化菩薩二者
 通教通者同也三乘同真故此教明因緣卽空無生
 四真諦望是摩訶衍之初門正爲菩薩旁通二乘大

品云欲得聲聞乘當學般若波羅蜜等然教理智斷
 行位因果皆通淺深不同於共般若唯共於淺三別
 教別卽不共不共二乘人說故此教正明因緣假名
 無量四真諦理的化菩薩不涉二乘故聲聞在座如
 聾如盲不名不共而云別者兼欲揀非圓故以一因
 運出一果不偏歷別而修不得因果圓融故四圓教
 圓以不偏爲義此教正明不思議因緣二諦中道事
 理具足不偏不別但化最上利根之人故名爲圓華
 嚴經云顯現自在力爲說圓滿經無量諸衆生悉受
 菩提記等別則教理等皆別圓則教等皆圓又此四

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

教由三觀起從假入空析體異故有初二教從空入假從假入中有別教起三觀一心中得有圓教起又此四教不局定一部一部之中容有多故又更以四種化儀收之謂頓漸不定祕密頓漸同前岌公後一謂一音異解若互相知名爲不定互不相知卽名祕密此師立義理致圓備但三藏教名義似小濫以餘三教亦有三故所以爾者良以智論之中多詔小乘爲三藏故成實論中亦自說云我今欲說三藏中實義故初對舊醫戒定慧故立此三事迢然不同異後三教通教意融三故別教依一法性而顯三故圓教

三一無障礙故所以不名小乘教者此教亦有大乘六度菩薩三十四心斷結成真佛故故藏通別圓之義四教互有而覈其定實餘三不成唯成當教中義耳但判華嚴兼於圓別以就登地已上約寄位行布爲別義故名異義同亦無大過三唐初海東元曉法師亦立四教一三乘別教如四諦緣起經等二三乘通教如般若深密經等三一乘分教如梵網經等四一乘滿教如華嚴經等然三乘共學名三乘教於中未明法空名別相教說諸法空是爲通教不共二乘名一乘教於中未顯普法名隨分教具明普法名圓

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

滿教然此大同天台但合別圓加一乘分耳自言且依乘門略立四種非謂此四偏攝一切故無有失四賢首弟子定公依實性論立四種教論云有四種衆生不識如來藏如生盲人一者凡夫二者聲聞三者辟支佛四者初心菩薩言四教者一迷真異執教當彼凡夫二真一分半教當彼二乘三真一分滿教當彼初心菩薩四真具分滿教卽當彼識如來藏者初教謂諸外道迷於真理廣起異計二謂小乘於真如隨緣不變二分義中唯說生空所顯之理故名爲半如涅槃半字三謂但得不變不得隨緣故名一分而

雙辯二空故名爲滿四由具隨緣不變二義故名具分廣如彼說然今判聖教那參邪說若對教主應如此方先立三教或如西域分內外及六師等又依涅槃爲半滿者後二既滿不應復有一分之言既但得不變一分豈名爲滿又涅槃半滿豈唯約二空豈彼不說妙有而訶空耶故其所立未爲允當第五立五教略有二家一波頗三藏立一四諦教謂四阿含等二無相教謂諸般若三觀行教謂華嚴經四安樂教謂涅槃經說常樂故五守護教謂大集經說守護正法事故此釋名局以觀行等皆互有故二賢首所立

五教至下當知第二敘西域者卽今性相二宗元出
彼方故名西域謂那爛陀寺同時有二大德一名戒
賢二名智光戒賢遠承彌勒無著近踵護法難陀依
深密等經瑜伽等論立三種敘以法相大乘而爲了
義卽唐三藏之所宗師謂佛初於鹿苑轉四諦小乘
法輪說諸有爲法皆從緣生以破外道自性因等又
緣生無我翻外有我然猶未說法無我理卽四阿含
等是第二時中雖依偏計所執而說諸法自性皆空
翻彼小乘然於依他圓成猶未說有卽諸部般若等
經第三時中就大乘正理具說三性三無性等方爲
盡理卽解深密經等是故於彼三時初墮有邊次墮
空邊俱非了義後時具說偏計性空餘二爲有契會
中道方爲了義此依深密所判二智光論師遠承文
殊龍樹近稟青日清辯依般若等經中觀等論亦立
三時敘以明無相大乘爲真了義謂佛初鹿苑說小
明心鏡俱有次於中時爲彼中根說法相大乘境空
心有唯識道理以根猶劣未能全入平等真空故後
第三時爲上根說無相大乘辯心境俱空平等一味
爲真了義又初漸破外道自性等故說因緣生法決
定是有次漸破小乘緣生實有之執故說依他似有

以彼怖畏此真空故由存假名而接引之後時方就究竟而說緣生卽空平等一味此三次第如智光論師船石燈論釋中引大乘妙智經說然此二三時並不能斷一代時教以各有據互相違故各別爲於一類機故深密經意爲於一類餐般若者聞平等空機無因果不了空有無二故第三時爲其分析於一法上空有之義其妙智經則以一類聞說三性迷唯識者未能忘心觀緣起者定謂似有故令總忘心境卽事而真得斯意者則不相違然欲會二宗須知二宗立義有多差別略敘數條一者一乘三乘別二二性五性别三唯心真妄別四真如隨緣凝然別五三性空有卽離別六生佛不增不減別七二諦空有卽離別八四相一時前後別九能所斷證卽離別十佛身無爲有爲別且初二義者由性有五一不同故令乘有三一權實如法相宗意以一乘爲權三乘爲實故深密三時教中初皆不成次一向成是爲若過若不及皆非了義第三時中有性者成無性不成方爲了義故云普爲發趣一切乘者又初二卷中皆云一乘是密意說故知是權又勝鬘經以一乘爲方便故大般若五百九十三中善勇猛菩薩言唯願世尊哀愍

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9

我等爲具宣說如來境智若有情類於聲聞乘性決
定者聞此法已速能證得自無漏地於獨覺乘性決
定者聞此法已速依自乘而得出離於無上乘性決
定者聞此法已速證無上正等菩提若有情類雖未
已入正性離生而於三乘性不定者聞此法已皆發
無上正等覺心深密第二大意同此又云一切趣寂
聲聞種性補特伽羅雖蒙諸佛施設種種勇猛加行
方便化導終不能令當坐道場證阿耨多羅三藐三
菩提又十輪第九亦說三乘各定差別皆以性定五
故故楞伽中佛告大慧有五種種性一聲聞乘性二
辟支佛乘性三如來乘性四不定乘性五者無性大
莊嚴論及瑜伽論皆同此說善戒地持雖但說二種
性一有種性二無種性亦云無種性人無種性故雖
復勤行精進終不能得無上菩提但以人天善根而
成熟之無性瑜伽亦同此說若法性宗意則以三乘
是權一乘爲實法華經云十方佛土中唯有一乘法
無二亦無三除佛方便說又云初以三乘引導衆生
然後但以大乘而度脫之以性唯一故故云諸佛兩
足尊知法常無性又第三云一相一味究竟涅槃常
寂滅相涅槃亦云佛性者名爲一乘師子吼者名決

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大藏書院總圖

七

用二

定說決定宣說一切衆生皆有佛性凡是有心定當作佛三十三又云一切衆生同有佛性皆同一乘一解脫一因一果同一甘露一切當得常樂我淨是名一味又法華第三云我滅度後復有弟子不聞是經不知不覺菩薩所行自於所得功德生滅度想當入涅槃我於餘國作佛更有異名是人雖生滅度之想入於涅槃而於彼土求佛智慧得聞是經唯以佛乘而得滅度等智論九十五亦同此說明知趣寂決定迴心法華論中四聲聞內決定及增上慢此二根未熟故菩薩與記方便令發心既云未熟明必當熟方

便令發卽菩提心不可不順已宗判爲論錯入楞伽第二第四第七皆同說二乘無實涅槃但是三昧力故後必當得無上菩提法華論中意亦同此皆是假說涅槃故云三昧勝鬘亦云言諸二乘得涅槃者是佛方便又無上依經寶性佛性二論皆說入滅二乘於三界外更受變易密嚴經中二乘畢無灰斷永滅如是經論其文非一永寂聲聞必無明矣涅槃第九菩薩品中廣明闡提斷善不能發心當文卽云彼一闡提雖有佛性而爲無量罪垢所纏不能得出如蠶處繭此則有而非無又云或有佛性一闡提有善根

支那

大藏書院總圖

八

用二

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

人無等則知無有無種性人況前引楞伽五性自迷
其文彼經第五性云五者無性謂一闡提此有二種
一者焚燒一切善根卽謗菩薩藏二者憐愍一切衆
生界卽是菩薩若有衆生不入涅槃我亦不入大慧
白言此二何者常不入涅槃佛言菩薩常不入涅槃
非焚燒一切善根者以知諸法本來涅槃不捨一切
諸衆生故此意則明闡提後必入矣況經自云復以如
來非闡提者則明闡提後必入矣況經自云復以如
來神力故或時善根生耶莊嚴第五無性亦有二種
一是時邊二者畢竟時邊謂暫時之無卽前闡提畢
竟謂永無卽大悲菩薩是知前來所引大般若深密
等經皆是未說法華之前就其長時云定性無性非
永定永無諸論隨佛方便成立故云定無耳故寶性
佛性等論皆說以一闡提謗大乘因依無量時說無
佛性非謂究竟無清淨性若謂法華是第二時教爲
引不定二乘故說一切悉皆成佛而猶未說定性不成
故名密意非了義者何以自判法華爲第三時教
誰敢判於法華爲不了耶妙智經中及梁攝論成立
正法中皆以一乘居三乘後故真諦三藏部異執記
云三十八年後說解節經等無量義云四十年後說

法華經明知法華居後故經云臨欲終時若不信法
華居後涅槃臨終居然可信豈不亦以一乘一性破
三五耶若以般若爲第二時法華爲第三時於理卽
通復自違深密第三時中普爲發趣一切乘者以法
華破三故明知深密三時不能定斷一切聖教以未
居最後故且約顯一類義故分三耳義如前說若將
法華望之應有四時以一乘教破前三乘故若謂佛
性有二一者理性二者行性理性定有行性或無斯
言可爾故涅槃云或有佛性善根人有闡提人無卽
是行性或有佛性二人俱有卽是理性然涅槃依於
理性明其等有故云凡是有心定當作佛不言凡是有
行定當作佛若謂理性定有容趣寂不成則違教
理是知闡提不作佛者以作佛非闡提故乃抑揚當
時耳若謂法華入滅後信一乘卽是變化權聲聞者
權必化實無實化誰又豈不誤於一類怯弱好滅衆
生是知趣寂皆是法華前意耳又勝鬘經云若如來
隨彼所欲而方便說卽是一乘無有二乘二乘入於
一乘一乘者卽第一義乘此意明隨欲方便而說二
乘明知卽是一乘無有二矣不曉此意將上方便連
下一乘而讀之輒斷一乘以爲方便惑之甚矣又彼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

經中廣破二乘云無涅槃又云此經斷一切疑決定了義入一乘道豈說一乘以爲方便設有方便之言尚在法華之前況復無耶法華云此經難信難解佛現在世猶多怨嫉況滅度後誠哉斯言若信執三乘五性不信一乘一性者深爲可愍故百喻經第二中王改聚落五由旬爲三由旬喻以喻方便於一說三後人但信於三不信於一卽其事也上約二宗各別所據則互相違反若會釋者亦不相違謂就機則三約法則一新熏則五本有無二若入理雙拂則三一兩亡若約佛化儀則能三能一是故競執是非達無違諍大集五部雖異不離法界涅槃各說身因佛許無非正說餘義次下當會古今違順竟第三立教開宗分二一以義分教二依教分宗今初以義分教教類有五卽賢首所立廣有別章大同天台但加頓教今先用之後總會通有不安者頗爲改易言五教者一小乘教二大乘始教三終教四頓教五圓教初卽天台藏教二始教者亦名分教以深密第二第三時教同許定性二乘俱不成佛故今合之總爲一教此旣未盡大乘法理故立爲初有不成佛故名爲分三終教者亦名實教定性二乘無性闡提悉當成佛方

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

盡大乘至極之說故立爲終以稱實理故名爲實上
 二教竝依地位漸次修成故總名爲漸四頓教者但
 一念不生卽名爲佛不依地位漸次而說故立爲頓
 如思益云得諸法正性者不從一地至於一地楞伽
 云初地卽爲八乃至無所有何次等不同前漸次位
 修行不同於後圓融具德故立名頓頓詮此理故名
 頓教天台所以不立者以四教中皆有一絕言故今
 乃開者頓顯絕言別爲一類離念機故卽順禪宗五
 圓教者明一位卽一切位一切位卽一位是故十信
 滿心卽攝五位成正覺等依普賢法界帝網重重主
 伴具足故各圓教如此經等說若約所說法相者初
 小乘中但說七十五法但說人空縱少說法空亦不
 愚癡是世間根本等未盡法源故多諍論部執不同
 二始教中廣說法相少說法性所說法性卽法相數
 說有百法決擇分明故少諍論說有八識唯是生滅
 依生滅識建立生死及涅槃因法爾種子有無永別
 是故五性決定不同旣所立識唯業惑生故所立真
 如常恒不變不許隨緣依他起性似有不無非卽無
 性真空圓成說經空義但約所執旣言二性五性不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

同故說一分衆生決不成佛名生界不減真俗二諦
 迥然不同非斷非常果生因滅同時四相滅表後無
 根本後得緣境斷惑義說雙觀決定別照以有爲智
 證無爲理義說不異而實非一旣出世智依生滅識
 種故四智心品爲相所遷佛果報身有爲無漏如是
 義類廣有衆多具如瑜伽雜集等說三終教中少說
 法相多說法性所說法相亦會歸性所立八識通如
 來藏隨緣成立不生滅與生滅和合而成非一非異
 一切衆生平等一性但是真如隨緣成立依他無性
 卽是圓成一理齊平故說生界佛界不增不減第一

義空該通真妄真非俗外卽俗而真故雖空不斷雖
 有不常四相同時體性卽滅緣境斷惑不二而二有
 能所斷二而不二說爲內證照惑無本卽是智體照
 體無自卽是證如非智外如爲智所證非如外智能
 證於如世出世智依如來藏始本不二則有爲無爲
 非一非異故佛化身卽常卽法不墮諸數況於報體
 卽體之智非相所遷如是義類亦有衆多次第對上
 如楞伽等經起信等論若會上二宗廣如別說四頓
 教中總不說法相唯辯真性亦無八識差別之相一
 切所有唯是妄想一切法界唯是絕言五法三自性

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

俱空八識二無我雙遣訶教勸離毀相泯心生心卽妄不生卽佛亦無佛無不佛無生無不生如淨名默住顯不二等是其意也五圓教中所說唯是無盡法界性海圓融緣起無礙相卽相入如因陀羅網重重無際微細相容主伴無盡十法門各攝法界義分齊中當具宣說二依教開宗宗乃有十如經宗中辯第四總相會通曲分爲二先通會諸教後會化儀前後今初諸德立教各自所據今雖立五亦會取諸說略有五重一或總爲一謂唯是如來一大善巧攝生方便一音所演則前之二師立一音者不失道理二或開爲二此更有三一對小顯大初是半字後四皆滿則無違二藏等言二對權顯實前則二是三乘後三爲一乘則不違法華四乘三者三四二教雖則泯二異前而對三顯一曲巧順機後一直顯本法一向不共如智論說此同印公平道屈曲三或分爲三初一小乘次一三乘後三一乘或唯後一是不共一乘智論指此以爲不共大品等經共二乘說故此三亦順四乘又梁論第八云如來成立正法有三種一立小乘二立三乘三立一乘第三最勝故名善成立此亦同妙智經真諦三藏部異執疏第二卷中亦同此

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

方廣佛華經卷第一

廿四

用二

說四或分爲四此亦二門一中間三教存三泯二別
廿四一曰一別教小乘如四阿含等二同教三乘
 如深密等三同教一乘如法華等四別教一乘如華
 嚴經二約歷位無位開漸及頓故分爲四總合二三
 以爲漸教餘皆如名五或分爲五如前所立以漸中
 有始終故取多分略指數經實非局判以一經中
 容多教故第二化儀前後者今辯如來一代時教略
 啓十門一本末差別門二依本起末門三攝末歸本
 門四本末無礙門五隨機不定門六顯密同時門七
 一時頓演門八寂寘無言門九該通三際門十重重
 無盡門初中本末同時始終一類各無異說然有三
 位一若小乘中則初度陳如後度須跋中間亦唯說
 小益小如四阿含經及五部律二若約三乘則始終唯
 說三通益三機如密跡經等三若約一乘則始終唯
 爲圓機說於圓極如華嚴等其中不通小乘復攝九
 世該於前後更無異說然此三類依於此世根性定
 者常聞如上一類之法故佛所演各通始終更無前
 後二依本起末門此有五類謂初爲菩薩說大二爲
 緣覺三爲聲聞四爲善根衆生五爲邪定如出現品
 日照高山及三千初成喻中廣辯其相皆明先大後

小約法名從本起末以於一佛乘分別說三故十八
本二皆大乘出故約機各是一類之機非約一機前
後大小三攝末歸本門者依無量義初時說小次說
中乘後時說大故法華亦云初轉四諦深密妙智雖
復二時三一不同皆先小後大四本末無礙門者謂
初舉照山王之極說明非本無以垂末後顯歸大海
之異流明非末無以歸本故本末交映與奪相資方
爲攝生之善巧矣是故通論總有五位一根本一乘
如華嚴經二密意小乘三密意大乘四顯了三乘上
三如深密五破異一乘如法華上之四門圓通無礙
是則前後卽無前後無前後之前後耳五隨機不定
門者此上四門初門明三類機始末常定次門明五
類機異時常定第三門明一類機自淺之深第四門
明二類機初機聞頓後機從淺至深更有一類不定
之機或從小乘次入三乘後入一乘亦有從小直入
一乘或多類機隨聞一句異解不同六顯密同時者
若異聞互知是顯不定若互不相知卽是祕密密顯
同時亦無前後七上來諸門一時頓演八從初得道
乃至涅槃不說一句九此上諸門盡通三際十上之
九門隨處隨時重重無盡皆無前後後之二門正是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9

華嚴境界融取前八亦不離華嚴之用第三義理分齊已知此經總屬圓教未知圓義分齊云何然此教海宏深包含無外色空交映德用重重語其橫收全收五教乃至人天總無不包方顯深廣其猶百川不攝大海大海必攝百川雖攝百川同一鹹味故隨一滴迥異百川前之四教不攝於圓圓必攝四雖攝於四圓以貫之故十善五戒亦圓教攝上非三四況初二耶斯則有其所通無其所局故此圓教語廣名無量乘語深唯顯一乘一乘有二一同教一乘同頓同實故二別教一乘唯圓融具德故以別該同皆圓教

攝今顯別教一乘略顯四門一明所依體事二攝歸真實三彰其無礙四周徧含容各有十門以顯無盡初中十者一教義二理事三境智四行位五因果六依正七體用八入法九逆順十應感教卽能詮卽前五教乃至光香等義卽所詮卽五教等一切義理卽生空所顯二空所顯無性真如等理事卽色心身方等事餘可思準第二攝歸真實者卽真空絕相經云法性本空寂無取亦無見性空卽是佛不可得思量亦有十義如法界觀第三彰其無礙然上十對皆悉無礙今且約事理以顯無礙亦有十門一理徧於

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

事門謂無分限之理全徧分限事中故一一纖塵理皆圓足二事徧於理門謂有分之事全同無分之理故一小塵卽徧法界由上二義互該徹故皆同一性故出現品云如來成正覺時於其身中普見一切衆生成正覺乃至普見一切衆生入涅槃皆同一性所謂無性理徧事故一成一切成事徧同理故說都無所成經云譬如虛空無成無壞一性無性卽是佛性故涅槃云佛性名第一義空第一義空名爲智慧又出現云無一衆生不具如來智慧無不有者卽一乘義也三依理成事門謂事無別體要因理成如攬水成波故於中有二一明具分唯識變故覺林菩薩偈云心如工畫師能畫諸世間五陰悉從生無法而不造此明唯心義也何以得知是具分耶次頌云如心佛亦爾如佛衆生然應知佛與心體性皆無盡旣是卽佛之心明非獨妄心而已二明真如隨緣成故問明品文殊難云心性是一云何見有種種差別卽緣性相違難覺首答云法性本無生示現而有生卽真如隨緣答又云諸法無作用亦無有體性明隨緣不失自性卽同勝鬘依如來藏有生死依如來藏有涅槃等四事能顯理門謂由事攬理成故事虛而理實

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

依他無性卽是圓成如波相虛令水現故夜摩偈云
 云何說諸蘊諸蘊有何性蘊性不可滅是故說無生
 分別此諸蘊其性本空寂空故不可滅此是無生義
 衆生旣如是諸佛亦復然佛及諸佛法自性無所有
 又十忍品云譬如谷響從緣所起而與法性無有相
 違須彌頂偈云了知一切法自性無所有如是等文
 徒於九會五以理奪事門謂事旣全理則事盡無遺
 如水奪波波相全盡故說生佛不增不減出現品云
 譬如虛空一切世界若成若壞常無增減何以故虛
 空無生故諸佛菩提亦復如是若成正覺不成正覺
 亦無增減何以故菩提無相故乃至云設一切衆生
 於一念中悉成正覺與不成正覺等無有異皆以無
 相平等故不增不減經亦同此說非約一分衆生不
 成佛者說無增減耳六事能隱理門謂真理隨緣而
 成事法遂令事顯理不現也如水成波動顯靜隱故
 法身流轉五道名曰衆生財首偈云世間所言說一
 切是分別未曾有一法得入於法性等七真理卽事
 門謂凡は真理必非事外以是法無我理故空卽色
 故理卽是事方爲真理第七迴向云法性不違法相
 等故八事法卽理門謂緣集必無自性舉體卽真故

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9

上之二門正明二諦不相違義如濕不違波波不違
 濕舉體相卽故夜摩偈云如金與金色其性無差別
 法非法亦然體性無有異此亦喻於如來之藏與阿
 賴耶展轉無別又由事卽理故雖有不常理卽事故
 雖空不斷又由事理相卽故起滅同時須彌偈云一
 切凡夫行莫不速歸盡其性如虛空故說無有盡智
 者說無盡此亦無所說自性無盡故得有難思盡等
 則同時四相不待後無亦令究竟斷證離於能所十
 地品云非初非中後非言辭所及廻向品云無有智
 外如爲智所入亦無如外智能證於如等九真理非
 事門卽妄之真異於妄故如濕非動十事法非理門
 単真之妄異於真故如動非濕故慚愧林偈云如色
 與非色此二不爲一又云如相與無相生死及涅槃
 分別各不同等上七八二門明事理非異九十二門
 明事理非一故爲無爲非一非異第四廻向云於有
 爲界示無爲法而不減壞有爲之相於無爲界示有
 爲法而不分別無爲之性上之十事同一緣起故云
 無礙約理望事則有成有壞有卽有離事望於理有
 隱有顯有一有異逆順自在無障無礙同時頓起深
 思令觀明現以成理事圓融無礙觀也第四周徧含

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

容卽事事無礙且依古德顯十玄門於中文二先正辯玄門二明其所以今初一同時具足相應門二廣陻自在無礙門三一多相容不同門四諸法相卽自在門五祕密隱顯俱成門六微細相容安立門七因陀羅網境界門八託事顯法生解門九十八世隔法異成門十主伴圓明具德門此之十門同一緣起無礙圓融隨其一門卽具一切今且於前十中取一事法明具後十門如下文中一蓮華葉或一微塵則具敎等十對同時相應具足圓滿亦具後之九門及彼門中所具敎等以是總故故下文云一切法門無盡海同會一法道場中華藏頌云華藏世界所有塵一塵中見法界一塵尚具況一葉耶二卽彼華葉普周法界而不壞本位以分卽無分無分卽分廣陻自在無障無礙十定品云有一蓮華盡十方際而不妨外有可見是故或唯廣無際或分限歷然或卽廣卽陻或廣陻俱泯或具前四以是解境故或絕前五以是行境故下皆準此然此廣陻亦名純雜普周法界故純一無二不壞本位則不妨於雜萬行例然三卽此華葉舒已偏入一切法中卽攝一切令入已內舒攝同時旣無障礙是故鎔融或有四句六句思之下云

以一佛土滿十方十方入一亦無餘若一與一切對
辯則攝入各具四句謂一入一切一切入一一入一
一切入一切互攝亦然四此一華葉廢已同他舉體
全是彼一切法而恒攝他同已令彼一切卽是已體
一多相卽混無障礙解行境別六句同前下云知一
卽多多卽一等五華能攝彼則一顯多隱一切攝華
則一隱多顯顯不俱隱顯不並隱顯顯隱同時無
礙全攝俱泯存亡俱成句數同前下云東方入正受
西方從定起等如八日月隱顯同時六此華葉中微
細刹等一切諸法炳然齊現下云於一塵中一切國
土曠然安住又於一毛端處有不可說諸如來及第
九廻向微細中說七此華葉一一微塵中各現無邊
刹海刹海之中復有微塵彼諸塵內復有刹海如是
重重不可窮盡非是心識思量境界如天帝殿珠網
覆上一明珠內萬像俱現珠皆爾此珠明徹互相
現影影復現影而無窮盡下云如因陀羅網世界等
亦如鏡燈重重交光佛佛無盡八見此華葉卽是見
於無盡法界非是託此別有所表下文云此華蓋等
從無生法忍之所起等九卽此一華旣其徧一切處
亦復該一切時謂三世各三攝爲一念故爲十世以

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9

時無別體依華以立華旣無礙時亦如之是故晉經云過去無量劫安置未來今未來無量劫廻置過去世等普賢行云過去中未來未來中現在等又云無量劫卽一念一念卽無量劫等時無別體故不別立以爲所依十此圓教法理無孤起必攝眷屬隨生下云此華卽有十世界微塵數華以爲眷屬又如一方爲主十方爲伴餘方亦爾是故主主伴伴各不相見主伴伴主圓明具德舉華旣爾一塵等事亦然如此事華旣帶同時等十義具此十門而此事等具餘教等十門則爲百門事法旣爾餘教義等具百亦然則爲千門如教義等有此千門彼同時門中亦具百門餘廣陋等例爾亦有千門若重重取之亦至無盡於此十門圓明顯了則常入法界重重之境第二明德用所因問有何因緣令此諸法得有如是混融無礙答因廣難陳略提十類一唯心所現故二法無定性故三緣起相由故四法性融通故五如幻夢故六如影像故七因無限故八佛證窮故九深定用故十神通解脫故十中隨一卽能令彼諸法混融無礙十六通約法性爲德相因法爾如是後二皆是業用義通因果七約起修義通德相業用八約果德唯是

德相故前之十門通德相業用約佛則用亦德相德上用故約機則相亦稱用令知相故卽用之相染淨雙融卽相之用能染能淨故相及用不分兩別初唯心現者一切諸法真心所現如大海水舉體成波以一切法無非一心故大小等相隨心迴轉卽入無礙二法無定性者旣唯心現從緣而生無有定性性相俱離小非定小故能容太虛而有餘以同大之無外故大非定大故能入小塵而無間以同小之無內故是則等太虛之微塵舍如塵之廣刹有何難哉舊經十住品云金剛圍山數無量悉能安置一毛端欲知至大有小相菩薩以是初發心一非定一故能是一切多非定多故能是一邊非定邊故能卽中中非定中故能卽邊延促靜亂等一一皆然三緣起相由者謂大法界中緣起法海義門無量約就圓宗略舉十門以釋前義謂緣起法要具此十義緣方起故闕則不成一諸緣各異義謂大緣起中諸緣相望要須體用各別不相雜亂方成緣起若雜亂者失本緣法緣起不成此則諸緣各各守自一位文云多中無一性一亦無有多二互徧相資義謂此諸緣要互相徧應方成緣起如一緣徧應多緣各與彼多全爲一故此

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

一則具多箇一也若此一緣不具多一則資應不偏不成緣起此則一一各具一切下文云知以一故衆知以衆故一三俱存無礙義謂凡是一緣要具前二方成緣起以要住自一方能偏應偏應多緣方是一故是故唯一多一自在無礙鎔融有其六句一或舉體全住是唯一也或舉體偏應是多一也或俱存或雙泯或總合或全離皆思之可見文云諸法無所依但從和合起此上三門總明緣起本法竟四異體相入義謂諸門力用遞相依持互形奪故各全有力全無力義緣起方成如論云因不生緣生故緣不生自因生故若各唯有力無無力則有多果過一一各生故若各唯無力無有力則有無果過以同非緣俱不生故是故緣起要互相依具力無力如闕一緣一切不成餘亦如是是故一能持多一是有力能持於多多依於一多是無力潛入一內由一有力必不與多一無力俱是故無有多而不入一也如一持多依既爾多持一依亦然反上思之如一望多有依有持全力無力常舍多在已中潛入已在多中同時無礙多望於一當知亦爾俱存雙泯二句無礙思之五異體

相卽義謂諸緣相望全體形奪有有體無體義緣起
方成若闕一緣餘不成起故緣義則壞得此一緣令
一切成起所起成故緣義方立是故一緣是能起能
成故有體多緣是所起所成故無體由一有體不得
與多有體俱多無體必不得與一無體俱是故無有
不多之一無有不一之多一多既爾多一亦然反上
思之如一望多有有體無體故能攝他同已廢已同
他同時無礙多望於一當知亦爾準前思之俱存雙
泯二句無礙亦思之可見六體用雙融義謂諸緣法
要力用交涉全體融合方成緣起是故圓通亦有六
句一以體無不用故舉體全用則唯有相入無相卽
義二以用無不體故舉用全體則唯有相卽無相入
也三歸體之用不礙用全用之體不失體是則無礙
雙存亦入亦卽自在俱現四全用之體體泯全體之
用用亡非卽非入圓融一味五合前四句同一緣起
無礙俱存六泯前五句絕待離言冥同性海此上三
門於初異體門中顯義理竟七同體相入義謂前一
緣所有多一與彼一緣體無別故名爲同體又由此
一緣應多緣故有此多一所應多緣旣相卽入令此
多一亦有卽入也先明相入謂一緣有力能持多一

多一無力依彼一緣是故一能攝多多便入一一入
多攝反上應知餘義餘句準前思之八同體相卽義
謂前一緣所具多一亦有有體無體之義故亦相卽
以多一無體由本一成多卽一也由本一有體能作
多一令一攝多如一有多空旣爾多有一空亦然餘
義餘句並準前思之九俱融無礙義謂亦同前體用
雙融卽入自在亦有六句準前應知此上三門於前
第二同體門中辯義理竟十同異圓滿義謂以前九
門總合爲一大緣起令多種義門同時具足也由住
一徧應故有廣陋自在門由就體就用故有相卽相

入門由異體相容具微細門異體相卽具隱顯門又
就用相入爲顯令就體相卽爲隱卽顯入隱亦然又
由異門卽入爲顯令同體卽入爲隱同顯異隱亦然
又由異體相入帶同體相入具帝網門由此大緣起
卽無礙法界故有託事顯法門顯於時中故有十世
門相關互攝故有主伴門此第十圓滿一門就前第
三門中以辯義理故下文云菩薩善觀緣起法於一
法中解衆多衆多法中解了一又云一中解無量無
量中解一了彼互生起當成無所畏等皆其義也上
來緣起相由門竟第四法性融通門者謂若唯約事

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

則互相礙不可卽入若唯約理則唯一味無可卽入
今則理事融通具斯無礙謂不異理之一事具攝理
時令彼不異理之多事隨所依理皆於一中現若一
中攝理不盡則真理有分限失若一中攝理盡多事
不隨理現則事在理外失今旣一事之中全攝理盡
多事豈不依中現華藏品云華藏世界所有塵一一
塵中見法界法界卽事法界矣斯卽總意別亦具十
玄門一旣真理與一切法而共相應攝理無遺卽是
諸門諸法同時具足二事旣如理能包亦如理廣徧
而不壞陋相故有廣陋純雜無礙門又性常平等故
純普攝諸法故雜三理旣徧在一切多事故令一事
隨理徧一切中徧理全在一事則一切隨理在一事
中故有一多相容門四真理旣不離諸法則一事卽
是真理真理卽是一切事故是故此一旣彼一切事
一切卽一反上可知故有相卽自在門五由真理在
事各全非分故正在此時彼說爲隱正在彼時此卽
爲隱故有隱顯門六真理旣普攝諸法帶彼能依之
事頓在一中故有微細門七此全攝理故能現一切
彼全攝理同此頓現此現彼時彼能現所現俱現此
中彼現此時此能現所現亦現彼中如是重重無盡

170 1 2 3 4 5 6 7 8 9 10 11 12 13 4 5 6 7 8 9 10 11 12 13 4 5 6 7 8 9 10 11 12 13

故有帝網門以真如畢竟無盡故八卽事同理故隨舉一事卽真法門故有託事門九以真如徧在晝夜日月年劫皆全在故在日之時不異在劫故有十世異成門況時因法有法融時不融耶十此事卽理時不礙與餘一切恒相應故有主伴門故一理融通十門具矣五如幻夢者猶如幻師能幻一物以爲種種幻種種物以爲一物等經云或現須臾作百年等一切諸法業幻所作故一異無礙言如夢者如夢中所見廣大未移枕上歷時久遠未經斯須故論云處夢謂經年覺乃須臾頃故時雖無量攝在一剎那六如影像者一切萬法略有二義一皆如明鏡含明了性一心所成故二分別所現如影像故由初義故爲能現由後義故爲所現故一切法互爲鏡像如鏡互照而不壞本相下經云達物近物雖皆影現影不隨物而有遠近等七因無限者謂諸佛菩薩昔在因中常修緣起無性等觀大願廻向等稱法界修及餘無量殊勝因故今如所起果具斯無礙八佛證窮者由冥真性得如性用故經云無比功德故能爾九深定用者謂海印定等諸三昧力故賢首品云入微塵數諸三昧一一出生塵等定而彼微塵亦不增等十神通

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經疏卷第二

三

用二

解脫者謂由十通及不思議等解脫故不思議法品
十種解脫中云於一塵中建立三世一切佛法等由
上十因令前教義等十對具上同時等十門以爲別
教一乘義之分齊

大方廣佛華嚴經疏卷第二

音釋

攬魯敢切 手取也 分也

析先的切 分也 観下革切 考實也 踵之蹠切 蹤也

千安

也 蟻徂舍切 吐也

繩吉典切 衣也 脣胡火切 胡火也

餘封切

冊陽居士賈憇也 憇照懇切 懇瑩愁惱

施施背切 背餘封切 銘銘也 銘也

銷也

先嚴賀學禮遺願施背

大 方 幾 佛 華 嚴 經 疏 卷 第 二 計字一萬一千六百千箇

該銀五兩

大方廣佛華嚴經疏卷第三

唐清涼山大華嚴寺沙門 澄觀撰

第四教所被機者夫教因機顯離機無言上說義理
弘深未委被何根器若明能應者十身圓音今直彰
所被通有十類前五揀非器後五彰所爲前中一無
信非器以聞生誹謗墮惡道故二違真非器依傍此
經以求名利不淨說法集邪善故下經云忘失菩提
心修諸善根是爲魔業三乖實非器謂如言取文超
情至理不入心故論云隨聲取義有五過失上三皆
是凡愚故下文云此經不入餘衆生手四陥劣非器

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

謂一切二乘出現品云一切二乘不聞此經何況受持故雖在座如聲如瞽五守權非器謂三乘共教諸菩薩等隨宗所修行布行位不信圓融具德之法故下經云設有菩薩無量億那由他劫行六波羅蜜不聞此經或時聞已不信不解不順不入不得名爲真實菩薩故後五顯所爲中一正爲謂是一乘圓機故出現品云此經不爲餘衆生說卽通指前五唯爲乘不思議乘菩薩說卽正爲之機謂一運一切運圓融行位卽深不思議又能偏達諸教卽廣不思議故文云非餘境界之所知普賢行人方得入等二兼爲謂

卽時雖未悟入而能信向成種如出現品食金剛喻故地獄天子十地頓超大海劫火不能爲障約未悟入故名爲兼三引爲卽前權教菩薩不受圓融之法故十地之中寄位顯勝借其三乘行布之名彼謂同於我法後因熏習方信入圓融以離此普法無所歸故權教極果無實事故四者權爲卽是二乘謂旣不聞況於受持故諸菩薩權示聲聞或在法會而聾盲彰其絕分或示在道而啓悟知可廻心五遠爲謂諸凡夫外道闡提悉有佛性今雖不信後必當入故出現品云如來智慧大藥王樹唯除二處不能爲作生

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

長利益所謂二乘墮無爲坑及壞善根非器衆生溺大邪見貪愛之水然亦於彼曾無厭捨前三非器是溺邪見第四非器是墮深坑故皆揀之今四及五明佛無厭捨故示而誘之熏其成種又彼品中明不信毀謗亦種善根謂謗雖墮惡道由聞歷耳終醒悟故又云如日亦與生盲作利益故又如大海潛流喻中明無不具有如來智慧故又破塵出經卷喻中若除妄想皆見佛智故此皆明有自性住性即是所爲況法性圓融感應交徹無有一法而非所被第五教體淺深者無盡教海體性難思從淺至深略明十體一

音聲言語體二名句文身體三通取四法體上三皆能詮體四通攝所詮體五諸法顯義體六攝境唯心體七會緣入實體八理事無礙體九事事無礙體十海印炳現體十中前五唯體後五亦體亦性又前四通小後六唯大前七通三乘後三唯一乘前八約同教後二唯別教就前三中大小乘中通用四法一聲二名三句四文取捨不同各有三說小乘三者婆沙一百二十六云如是佛教以何爲體一云應作是說語業爲體謂佛語言唱辭評論語音語路語業語表是謂佛教其名句文但顯佛教作用不欲開示佛教

自體發智論中亦同此說二云名等爲體謂名身句
身文身次第行列次第安布次第連合故聲但依於
展轉因故謂語起名名能顯義評家意取語業爲體
雜心論同俱舍俱舍論云牟尼說法蘊數有八千
彼體語或名此色行蘊攝謂若語爲教體卽色蘊攝
名爲教體卽行蘊攝此乃雙存前二情無去取故致
或言正理論中意符名等故彼第三釋前頌竟又云
詮義如實故名佛教名能詮義故教是名由是佛教
定名爲體舉名爲首以攝句文顯宗第三亦同此說
三者然俱舍意情無去取若取其雙存卽合四法以

爲教體若經部意亦唯取聲故正理十四破彼師云
汝不應立名句文身卽聲爲體大乘有三大意同前
一云攝假從實以聲爲體離聲無別名句等故深密
第五云如來言音略有三種一契經等旣云言音有
三明以聲爲教體雜集論云成所引聲謂諸聖所說
二云以體從用名等爲體能詮諸法自性差別二所
依故故無性論破經部云諸契經句語爲自性不應
理故成唯識第二亦破彼云若名句文不異聲者法
辭無礙境應無別唯識云此三離聲雖無別體而假
實異亦不卽聲三云聲名句文合爲其體由前二說

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

皆有理教爲定量故深密第四云不可捨於言說文字而能宣說故淨名云有以音聲言語文字而作佛事故十地論云說者以二事說聽者以二事聞謂善聲善字故以余之意亦應雙取若就前二有去取者寧依名等良以音聲一種正就佛說容爲教體流傳後代書之竹帛曾何有聲豈無教體書雖是色亦與名等爲所依故亦色蘊攝前淨名十地通取四者但言所用非正顯體仁王云是名句味諸佛所說故然大小諸宗雖通用四法而理不同謂薩婆多宗四法皆有實體經部聲有實體名等是假若大乘中或有

四皆非實或有四皆如空俱不立故淨名云文字性離無有文字是則解脫十地論釋空中風相等云風喻音聲畫喻名字皆不可取佛藏經云諸法如毫釐不空者則諸佛不出世又下云諸法畢竟空無有毫末相有說四皆事理無礙或說四皆圓融故宗不同也第四通攝所詮體者瑜伽八十一云謂契經體略有二種一文二義文是所依義是能依如是二種總名一切所知境界卽依於六文顯於十義此明教義相成若不詮義教文何用故通取所詮成契經體又十住品云文隨於義義隨於文文義相隨理無舛謬

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

方爲真教又瑜伽云佛菩薩等是能說者語是能說相名句文身是所說相故皆通取不同前義尅取所說第五諸法顯義體者謂但能顯義理一切諸法皆爲教體淨名第三云有以光明而作佛事有以諸菩薩而作佛事有以佛所化人而作佛事有以佛菩提樹衣服臥具乃至八萬四千諸煩惱門衆生爲之疲勞諸佛卽以此法而作佛事又十卷楞伽第四云大慧非一切佛土言語說法故有佛國土直視不瞬口無言說名爲說法乃至云有佛國土動身名說又香積世界餐香飯而三昧顯極樂佛國聽風柯而正念

成絲竹可以傳心目擊以之存道旣語默視瞬皆說則見聞覺知盡聽苟能得法契神何必要因言說況華嚴性海雲臺寶網同演妙音毛孔光明皆能說法華香雲樹卽法界之法門刹土衆生本十身之正體于何非教耶下云刹說衆生說三世一切說又云一切世間諸境界皆悉能令轉法輪等其文非一第六攝境唯心體者總收前五並不離識唯識等云一切所有唯心現故起信亦云依一心法有二種門一心真如門二心生滅門然此二門皆各總攝一切法以此二門不相離故梵行品云知一切法卽心自性故

170123456789180123456789190123456789

唯心現然有二門一本影相對二說聽全收前中通就諸教以成四句一唯本無影謂卽小乘不知唯識故二亦本亦影謂大乘初教謂佛自宣說若文若義皆是如來妙觀察智相應淨識之所顯現名本質教故佛地論第一云有義聞者善根本願增上緣力如來識上文義相生此文義相是佛利他善根所起名爲佛說若聞者識上所變文義名爲影像佛地論云如來慈悲本願增上緣力聞者識上文義相生此文義相雖親依自善根力起而就強緣名爲佛說故二十唯識論云展轉增上力二識成決定護法論師等

皆立此義然云文義相生復說五心集現謂如說諸行無常卽有四聲四字四名一句及所詮義此十四相於聞者識上聚集顯現然西方多釋今略舉其一謂如說諸字有率爾尋求二心然未定知諸字所屬無決定心次說行字由先熏習連帶解生有三心起謂率爾尋求決定以決定知諸字所屬一切行故聞諸行字雖知自性然未知義爲令知義復說無字但有二心謂率爾尋求未有決定以未定知無字所屬後說常字由前字力展轉熏習連後字生具起五心謂率爾尋求決定染淨等流於最後時四字周圓方

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

能解義總十二心初二次三次二後五故有十四相
義如前說餘如別章三唯影無本謂大乘實教離衆
生心佛果無有色聲功德唯有如如及如如智獨存
大悲大智爲增上緣令彼所化根熟衆生心中現佛
色聲說法是故聖教唯是衆生心中影像夜摩偈云
諸佛無有法佛於何有說但隨其自心謂說如是法
龍軍堅慧諸論師等並立此義四非本非影如頓教
說非直心外無佛色聲衆生心內影像亦空性本離
故亡言絕慮卽無教之教耳須彌偈云法性本空寂
無取亦無見性空卽是佛不可得思量淨名云其說

法者無說無示其聽法者無聞無得龍樹等宗多立
此義此前四說總合爲一圓融無礙自淺之深攝衆
生故第二說聽全收成二四句一約同教以成四句
謂一佛真心外無別衆生以衆生真心卽佛真心故
則唯說無聽故所說教唯佛所現二衆生心外更無
別佛以佛真心卽衆生真心故則唯聽無說故所說
教卽衆生自現梵行品云知一切法卽心自性等三
佛真心現時不礙衆生真心現故說聽雙存二教齊
立四佛卽衆生故非佛衆生卽佛故非衆生互奪雙
亡則說聽斯寂故淨名云其說法者無說無示其聽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

法者無聞無得二約別教以明四句謂由不壞相生
佛互在故一衆生全在佛中故則果門攝法無遺生
尚在佛心中況所說教不唯佛現故出現品云如來
成正覺時於其身中普見一切衆生成正覺乃至普
見一切衆生入涅槃又佛性論第二如來藏品云一
切衆生悉在如來智內故名爲藏以如如智稱如如
境故一切衆生決定無有出如如境者並爲如來之
所攝持故名爲藏衆生爲如來藏又下出現品中明
三世劫刹衆生所有心念根欲尚皆一身頓現況佛
智廣大如虛空耶二佛在衆生心中故則因門攝法

無遺佛尚在於心中況所說教非衆生心現故出現
品云菩薩摩訶薩應知自心念念常有佛成正覺何
以故諸佛如來不離此心成正覺故如自心一切衆
生心亦復如是悉有佛成正覺此明佛證衆生心中
真如成佛故本覺無異以始同本總在衆生心中從
體起用應化身時卽是衆生心中真如用大更無別
佛如起信中多明此義而是自心體用今以此經心
佛衆生無差別故佛證衆生之體用衆生之用三由
前生佛互相在時各實非虛則因果交徹隨一聖教
全在二心故衆生心中佛爲佛心中衆生說法佛心

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200 1 2 3 4 5 6 7 8 9

中衆生聽衆生心中佛說法四由生全在佛則同佛
非生佛全在生則同生非佛兩相形奪二位齊融卽
隨一聖教俱非二心則佛心中衆生無聽衆生心中
佛無說是以賢首品云因緣所生無有生諸佛法身
非是身又偈讚品云如來不說法亦不度衆生大般
若四百二十五云我從得道來不說一字汝亦不聞
等是故此四於一聖教圓融無礙方爲究竟甚深唯
識道理第七會緣入實體者前來六門同入一實故
亦有二義一以本收末二會相顯性前中以諸聖教
從真流故不異於真故攝論中名爲真如所流十二

分教唯識第十釋勝流真如云謂此真如所流教法
於餘教法最爲勝故彼宗雖不立真如隨緣而說佛
正體智證最清淨法界而於後得安立教法名爲如
流以本收末亦名如爲教體二會相顯性者謂彼一
切差別教法從緣無性卽是真如是故虛相本盡真
性本現如來言說皆順於如故金剛三昧經云如我
說者義語非文衆生說者文語非義仁王二諦品云
大王法輪者法本如應頌如乃至論議如等此經明
教卽是如不說如皆是教若取諸法顯義皆爲教體
一切法皆如也則無如非教第八理事無礙體者謂

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

一切教法雖舉體卽真不礙十二分等事相宛然顯現雖真如舉體爲一切不礙一味湛然平等由如無礙佛之音聲亦順如無礙皆與如智而相應故如前義分齊中廣明第九事事無礙體者文義皆圓文卽圓音此中亦具十種玄門現相品云佛演一妙音周聞十方國衆音悉具足法雨皆充徧卽同時具足相應體十住品云欲具演說一句法阿僧祇劫無有盡而令文義各不同菩薩以此初發心卽廣陋無礙體亦名純雜敎一句不壞陋也純也文義不同廣也雜也又云於一法中解衆多衆多法中解了一等皆一

多相容敎也出現品云如來音聲普入一切譬如書字等此亦相入卽相容也十住又云一卽是多多卽一文隨於義義隨文卽相卽教體出現品云道場皆聞不出衆外各各隨解卽隱顯教體也又云如來言音唯是一味隨諸衆生心器異故無量差別亦隱顯敎體亦純雜敎也又云如來於一語言中演說無邊契經海如善口女等卽微細敎也阿僧祇品云於彼一一修多羅分別諸法不可說於彼一一諸法中又說諸法不可說等一法旣爾餘法亦然交映重重無盡無盡卽帝網敎也觸事皆法卽託事生解敎也一

1701234567891801234567891901234567891950123456789

念頓演卽十世敎也如諸會中此方所說十住等十方亦爾卽主伴敎也若隨說一法一門皆有無量修多羅爲眷屬等卽眷屬敎雖不得爲主亦是伴類此且約言說若類通諸法皆爲敎體卽所詮義義卽普法具十玄門如義分齊第十海印炳現體者如前差別無盡敎法皆是如來海印定中同時炳現設所化機亦同緣起炳現定中是故唯以三昧爲敎體如出現品辯此約果位若約因位圓信亦得印現賢首品云如是一切皆能現海印三昧神通力以上十門該羅收攝未有一法而非敎體然後二門正是經宗融

取前八無所遺矣第六宗趣通別者語之所尚曰宗宗之所歸曰趣先明其通後顯於別前中通論一代佛教諸部異計各是一宗謂十八本二各不同故以義相從更復合之然隋朝大衍法師總立四宗一因緣宗謂薩婆多二假名宗謂卽經部三不真宗謂諸般若四真實宗謂法性真理佛性等敎又此四宗初名立性二名破性三名破相四名顯實初二小乘後二大乘各初淺後深此亦有理但收義不盡以十八部中但判二故今總收一代時敎以爲十宗第一我法俱有宗謂犢子部等彼立三聚一有爲二無爲三

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

非二聚非二卽我又立五法藏謂三世爲三無爲爲四第五不可說藏我在其中以不可說爲有爲無爲故然此一部諸部論師共推不受呼爲附佛法外道以諸外道所計雖殊皆立我故二法有我無宗謂薩婆多等彼立諸法不離色心或立三世無爲或分五類皆無有我以無我故異外道計又於有爲之中立正因緣以破外道邪因無因然西域邪見雖九十五種或計二十五諦從冥生等或計六句和合生等或謂自在梵天等生或謂時方微塵虛空宿作等而爲世間及涅槃本統收所計不出四見謂數論計一勝

論計異勒沙婆計亦一亦異若提子計非一非異若計一者則謂因中有果若計異者則謂因中無果三則亦有亦無四則非有非無餘諸異計皆不出此雖多不同就其結過不出二種從虛空自然生卽是無因餘皆邪因此方儒道二教亦不出此如莊老皆計自然謂人法地地法天天法道道法自然若以自然爲因能生萬物卽是邪因若謂萬物自然而生如鶴之白如烏之黑卽是無因周易云易有太極是生兩儀兩儀生四象四象生八卦八卦定吉凶吉凶生大業者太極爲因卽是邪因若謂一陰一陽之謂道卽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

計陰陽變易能生萬物亦是邪因若計一爲虛無自然則亦無因然無因邪因乃成大過謂自然虛空等生應常生故以不知三界由乎我心從癡有愛流轉無極迷正因緣故異計紛然安知因緣性空真如妙有言有濫同釋教者皆是佛法之餘同於涅槃盜牛之喻乳色雖同不能善取醍醐況抨驢乳安成酥酪廣明異計如瑜伽第六顯揚第九第十婆沙一二及金七十論說中百等論亦廣破之今但說正因緣已總破諸計是知佛法之淺淺已勝外道之深深三法無去來宗謂大衆部等說有現在及無爲耳其過未之法體用俱無四現通假實宗謂說假部就前現在之中法在蘊爲實在界處爲假其成實論經部師卽是此類五俗妄真實宗卽說出世部等謂世俗是假以虛妄故出世反上六諸法但名宗謂一說部等一切我法唯有假名無實體故七三性空有宗謂遍計是空依圓有故八真空絕相宗謂心境兩亡直顯體故九空有無礙宗謂互融雙絕而不礙兩存真如隨緣具恒沙德故十圓融具德宗謂事事無礙主伴具足無盡自在故然此十宗後後深於前前前四唯小五六通大小後四唯大乘七卽法相宗八卽無

170123456789180123456789190123456789

相宗後二卽法性宗又七卽始教八卽頓教九卽終教十卽圓教又第七亦名二諦俱有宗謂勝義真實故不無世俗因果不失故是有如深密瑜伽等第八亦名二諦雙絕宗謂勝義離相故非有世俗緣生如幻故是無如掌珍頌云真性有爲空如幻緣生故無爲無有實不起似空華等卽般若三論中一分之義九二諦無礙宗如維摩法華等義如前顯然十宗五教互有寬陿教則一經容有多教宗則一宗容具多經隨何經中皆此宗故若局判一經以爲一教則抑諸大乘又夫立教必須斷證階位等殊立宗但明所

尚差別前之六宗執法有異故分六宗斷證次位不離八輩合爲一教餘義如前立教中辯第二顯別宗者一切諸經各自有宗今此別明此經宗趣然楞伽云一切法不生不應立是宗者斯言遺滯若無宗之宗則宗說兼暢略以二門分別先敍異解後申今義前中略舉十說一衍法師以無礙法界爲宗二裕法師以甚深法界心境爲宗謂法界門中義分爲境諸佛證之以成淨土法界卽是一心諸佛證之以成法身是故初品中云無盡平等妙法界皆悉充滿如來身末後明入法界品故知唯以法界爲宗三有說以

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

緣起爲宗法界緣起相卽入故四有云以唯識爲宗經說三界唯一心現心如工畫師故五敏印二師同以因果爲宗謂此經廣明菩薩行位之因及顯所成果德下文不離此故六違法師以華嚴三昧爲宗謂因行之華能嚴佛果故七笈多三藏以四十二賢聖觀行爲宗說其行位令成觀故八有說言以海印三昧爲宗逆順理事乃至帝網如海波澄一時現故九光統律師以因果理實爲宗以因果是所成行位理實是所依法界故十賢首以前各互闕故總以因果緣起理實法界以爲宗趣謂前之二師但得所依法

界三四二師但明緣起五六唯明因果七唯因修八唯果用並皆互闕故賢首意取光統而加緣起法界之言由光統師以因果卽緣起理實卽法界故不開之賢首以因果是緣起中別義理實是法界中別義故加總名以法界有事理及無礙故緣起體上之用故所以加之二申今解者依後二師而頗爲改易若取言略攝盡應言法界緣起不思議爲宗若取言具於第十師加不思議此則攝一總題理實卽大方緣起卽方廣法界總該前二因果卽佛華嚴觀其總題已知別義而法界等言諸經容有未顯特異故以不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

思議貫之則法界等皆不思議故爲經宗所以龍樹
指此爲大不思議經斯良證也淨名但明作用不思
議解脫蓋是一分之義未顯法界融通等不思議故
不同也若就題中分體宗用則以理實爲體緣起爲
用因果爲宗尋宗令趣理實體故法界總攝上三今
釋前義略分爲二一釋名二顯義今初法界名體廣
如本品今略申其二一事法界二理法界二法俱含
持軌二界則性分不同互用皆通二顯義中曲有四
門第一別開法界以成因果謂普賢法界爲因遮那
法界爲果是故因果不離理實法界於中十事五對

卽五周因果一所信因果二差別因果三平等因果
四成行因果五證入因果下當指文而此因果互爲
宗趣一經始終不離因果故但因果爲宗不違所依
法界第二會融因果以同法界法界門中亦有十事
五對互爲宗趣一教義相對謂舉教爲宗顯義爲趣
或以義爲宗顯教爲趣以辯義深令教勝故二人法
相對舉人爲宗令知法爲趣舉法爲宗令得人爲趣
三理事相對舉事意令趣理故舉理意在融事故四
境智相對舉所觀境令成觀智故舉修成智令證同
真境故五因果相對舉彼修因令證果故舉其勝果

170 1 2 3 4 5 6 7 8 9

180

190

8

勸修因故五對別明是宗之趣五對相卽爲宗卽趣上五周因果不離此五對之法卽事理法界況因果無性當體同真所以但用法界爲宗亦不違因果第
三法界因果分明顯示亦有十義五對一無等境此
有二位一在纏性淨法界爲所信境二出纏最清淨
法界爲所證境二無等心此亦二義一大菩提心爲
普賢行本故二信悲智等隨行起故三無等行此亦
二義一差別行各別修故二普賢行一卽一切故四
無等位此亦二義一行布位比證別故二圓融位一
證一切證故五無等果此亦二義一修生果今始成

故二修顯果本自具故此上五對各初句爲宗後句
爲趣又上五中初一真法界二卽緣起又二三四皆
緣起因後一緣起果故光統具用二義爲宗無所違
矣第四法界因果雙融俱離性相混然無礙自在亦
有十義一由離相故因果不異法界卽因果非因果
也此卽相爲宗離相爲趣或離相爲宗亡因果爲趣
下九準思二由離性故法界不異因果卽法界非法
界也三由離性不泯性故法界卽因果時法界宛然
則以非法界爲法界也四由離相不壞相故因果卽
法界時因果歷然則以非因果爲因果也五離相不

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

異離性故因果法界雙泯俱融迥超言慮六由不壞
不異不泯故因果法界俱存現前爛然可見七由五
六存泯復不異故超視聽之妙法無不恒通見聞絕
思議之深義未嘗礙於言念八由法界性融不可分
故卽法界之因果各同時全攝法界無不皆盡九因
果各全攝法界時因果隨法界各互於因果中現是
故佛中有菩薩普賢中有佛也十因果三位各隨差
別之法無不該攝法界故一一法一一行一一位一
一德皆各總攝無盡無盡帝網重重諸法門海是謂
華嚴無盡宗趣上之四門初一卽體之用次一卽用
之體三卽體用雙顯四卽體用鎔融又初一卽因果
緣起次一卽理實法界三卽雙明後一卽不思議既
以第四融前則四門一揆故卽照而遮卽遮而照雙
照雙遮圓明一觀契斯宗趣矣第七部類品會者旣
知旨趣沖深未審能詮文言廣陋於中有一彰本
部二顯品會三明支類四辯論釋初中性海之詮常
說遍說言窮法界難可限量今自匿之寬略爲十類
一略本經卽今所傳八十卷本及舊譯六十卷皆是
十萬偈中之略譯未盡故二下本經謂摩訶衍藏是
文殊師利與阿難海於鐵圍山間結集此經收入龍

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

宮龍樹菩薩往龍宮見此大不思議經有其三本下
 本有十萬偈四十八品龍樹誦得流傳於世故智度
 論名此爲不思議經有十萬偈梁攝論中名百千經
 西域記說遮拘槃國有此具本三中本經卽彼所見
 有四十九萬八千八百偈一千二百品四上本經卽
 彼所見有十三千大千世界微塵數偈一四天下微
 尘數品此上二本非闇浮提人心力能持故不傳之
 五普眼經卽海雲所持以大海量墨須彌聚筆書此
 普眼法門一品中一門一門中一法一法中一義一
 義中一句不得少分何況能盡但是入深法界菩薩

陀羅尼力之所能持已下諸經並非凡力能受六同
 說經謂約一類須彌山形世界遍於虛空容毛端處
 以言聲說無有窮盡如不思議法品云如一佛身以
 神通力轉如是等差別法輪一切世法無能爲喻如
 是盡虛空界一一毛端分量之處乃至一一化身皆
 如是說音聲文字句義一一充滿法界等又阿僧祇
 品云光中見佛不可說佛所說法不可說乃至於彼
 一一修多羅分別法門不可說等此意但約一類音
 聲說法已不可結集豈下位能持七異說經謂樹形
 等世界旣異其中衆生報類亦別如來於彼現身立

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

教施設不同不可定其色與非色言非言等則部類難量八主伴經謂遮那所說雖遍法界然與諸佛互爲主伴如說十住時十方來證皆言我國皆說等則前七經皆有主伴九眷屬經謂餘根器不能聞此通方之說隨宜說教令入此門皆爲此經勝方便故各爲眷屬故下經云普眼修多羅以佛刹微塵數修多羅爲眷屬等則前八皆有眷屬十圓滿經謂此上諸本總融爲一無盡大修多羅海隨一會一品一句一文皆攝一切無有分限故現相品云毗盧遮那佛願力周法界一切國土中恒轉無上輪等故七十三中

名圓滿因輪此之謂也第一品會差別者卽顯今經與晉譯同異今經九會以晉經第七會初闕十定品重會普光故唯八會今有三十九品初會有六品彼經唯三十四由初會中唯有二品一世間淨眼品卽今世主品二盧舍那品卽今現相已下五品初會闕四兼闕十定故唯三十四品餘諸品會大同名有小異至文當顯第三明支類者於中復二先顯支流卽別行經藏中兜沙經一卷是名號品菩薩本業經一卷是淨行品小十住經一卷是十住品大十住經四卷及漸備一切智德經四卷並是十地品等目菩薩

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

所問三昧經二卷是十定品無邊功德經一卷是壽量品如來性起微密藏經二卷是出現品度世經六卷是離世間品羅摩伽經三卷是入法界品此等並是隨器受持大本支出二明流類謂修慈經一卷金剛鬘經十卷如來不思議境界經一卷並是華嚴流類而非本部別行或是別行來未盡者未敢詳定餘如纂靈記辯第四論釋者略舉其四一龍樹既得下本遂造大不思議論亦十萬頌備傳西域此方十住毗婆沙論十六卷卽是彼論釋十地中初之二地二世親菩薩造十地論釋十地品魏朝勒那三藏及菩

提流支各翻一本光統奏請令二三藏參成一本爲十二卷卽今見傳三北齊劉謙之於清涼山感通造論六百卷備釋一經四後魏僧靈辯於五臺山頂戴此經行道一載遂悟玄旨造論一百卷亦傳於世第八傳譯感通分二先明翻譯年代後明傳通感徵前中此經前後通唯二譯并其補闕四本不同一晉義熙十四年北天竺三藏佛度跋陀羅此云覺賢於楊州謝司空寺翻梵本三萬六千頌成晉經五十卷或六十卷沙門法業筆受慧嚴慧觀潤色謝司空寺者卽今潤州興嚴寺是由興華嚴故二天唐永隆元年

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

方廣傳註解卷第三

三

用三

中天竺三藏地婆訶羅此云日照於西京大原寺譯出入法界品內兩處脫文一從摩耶夫人後至彌勒菩薩前中間天主光等十善知識二從彌勒菩薩後至三千大千世界微塵數善知識前中間文殊申手過一百一十由旬按善財頂十五行經大德道成律師薄塵法師大乘基法師等同譯復禮法師潤文依六十卷本爲定三證聖元年于闐三藏實又難陀此云喜學於東都佛授記寺再譯舊文兼補諸闕計益九千頌通舊總四萬五千頌合成唐本八十卷大德義淨三藏弘景禪師圓測法師神英法師法寶法師賢首法師等同譯復禮法師綴文四卽於前第三本中雖益數處却脫日照三藏所補文殊按善財頂之文卽賢首法師以新舊兩經勘以梵本將日照補文安喜學脫處遂得文續義連其文之要至下當辯今之所傳卽第四本其第三本先已流傳故今世上之經猶多脫者卽第三本願諸達識見闕而續之二明傳通感應者自晉譯微言則雙童現瑞唐翻至敎則甘露呈祥冥衛昭然親紆御筆論成西域則地震光流志徹清涼則感通玄悟其書寫則經輝五色楮香四達冬葵發豔瑞鳥銜華讀誦則眇然履空煥若臨

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

鏡每含舍利適會神僧涌地現金色之身昇天止修羅之陣觀行則無生入證偈讚排空海神聽而時雨滂沱天童迎而大水瀰漫講說則華梵通韻人天共遵洪水斷流神光入宇良以一文之妙攝義無遺故一偈之功能破地獄盥掌之水尚拯生靈故讀誦思修功齊種智宿生何幸感遇斯文其事跡昭彰備於傳記第九總釋名題中先解經題後明品稱今初總題包於別義該難思之法門無名之中強以十門分別一通顯得名二對辯開合三具彰義類四別釋得名五展演無窮六卷攝相盡七展卷無礙八以義圓

收九攝歸一心十泯同平等今初諸經得名有其多種或以人爲目或以法爲名人有請說等殊法有法喻等別或體或用或果或因乍複乍單其類繁廣今經受稱亦多種不同一從數彰名如梁攝論第十勝相中云百千經者是華嚴經有十萬頌是也二從喻受名如涅槃及觀佛三昧經名此經爲雜華經以萬行文雜緣起集成故三從法彰名如智論釋燭累品名此經爲不思議解脫經四從義用受名如下離世間品及出現品各有十名者是依今梵本云摩訶毗佛略勃陀健拏驃訶修多羅此云大方廣佛雜華嚴

飾經今略雜飾字耳前三異名義多總略二品十目
多從別義又局當品故今譯者具以六字爲名則人
法雙題法喻齊舉具體具用有果有因理盡義圓故
標經首二對辯開合者題中七字有十事五對一敎
義相對謂經之一字是能詮教大等六字是所詮義
二就義中法喻一對謂大等是法華嚴是喻三就法
中人法一對謂大方廣是所證無障礙法佛是能證
之人亦名境智一對四就法中揀持一對大之一字
是揀方廣是持卽揀大異小揀實異權揀果異因亦
是體用一對大方是體大方無隅故廣卽是用五就
人中借下華字以喻其因卽因果一對佛是果故是以
單用華字則但喻因若合以華嚴則亦喻上之四
宇至下當明三具彰義類者謂大等七字義皆無量
並略以十義釋之初明大十義者一體大謂若相若
用等皆同真性而常徧故卽是大字涅槃云所言大
者名之爲常此明體不變易如人最長故名爲大又
云大者其性廣博猶如虛空此明體遍二者相大謂
恒沙性德無不具故互相卽入微細重重等具十玄
門皆其相故卽經方字方者法也三用大謂業用周
普如體遍故卽經廣字涅槃云又大者能建大義卽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛寶經卷第三

三

用三

是約用良以涅槃無廣廣與大同故以廣釋大方廣無大大與廣合故以大釋廣今經具有故各配之因果大謂智斷依正普周法界故卽經佛字五因大謂發菩提心起解行願證精勤匪懈成諸位故卽經華字六智大謂大智爲主運諸萬行遍嚴一切無所遺故卽經嚴字七者教大謂一文一句無不結通遍於一切十方三際重重無盡故卽是經字八者義大謂所詮法盡窮法界乃至帝網無所遺故卽總是六字九者境大以上法門普以無盡一一爲化境故十者業大謂盡三際時窮法界處常將此法利益衆生無

休息故如攝大乘等七種六性不離於此二方十義者方者法也卽前十大皆名爲法謂體法相法等三十義者廣者多也用多繁興包無不盡故則前十皆多卽明一遍一切名之爲大一攝一切名之爲廣亦可反此此約離釋若合釋方廣二字亦有十義一廣依義謂言教繁廣爲生依故二廣說義宣說廣大甚深法故三廣破義破一切障無有餘故四廣超義無有諸法能比類故五廣治義具攝無邊對治之法爲能治故六廣攝義通攝無邊異類法故七廣德義具攝二嚴諸勝德故八廣生義能生無量廣大果海

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故九廣絕義非是心識稱量所能知故十廣知義具足種智破邪見障無有餘故此之十義前四卽雜集第十一中四義後六卽入大乘論第一中六義四解佛十義者卽是十佛大卽法界佛方卽本性佛廣卽涅槃佛及隨樂佛佛卽成正覺佛華卽願佛及三昧佛嚴卽業報佛經卽住持佛總不離心七字皆是心佛釋十佛義如八地中及離世間品辯又佛地論第一說佛亦具十義謂具一切智一切種智離煩惱障及所知障於一切法一切種相能自開覺亦能開覺一切有情如睡夢覺如蓮華開故名爲佛又真諦引

真實論亦有十義恐繁不引五釋華十義者一含實義表於法界含性德故二光淨義本智明顯故三微妙義一一諸行同法界故四適悅義順物機故五因果義行爲生因起正覺故六端正義行與願俱無所缺故七無染義一一行門三昧俱故八巧成義所修德業善巧成故九芬馥義衆德住持流馨彌遠故十開敷義衆行敷榮令心開覺故然華有二種一草木華喻萬行因然或因與果俱或不與俱二嚴身華通金玉等喻於神通衆相等唯與果俱前十義中一五十局於草木餘通二華六釋嚴者卽上十華同嚴

一佛爲嚴不同亦是十義又上十華如次嚴前十佛
卽是十義而總別無礙更有十義一用因嚴果以成
人是佛華嚴果由因得故二以果嚴因以顯勝成果
之後令一一因行皆無際故三以人嚴法而顯用謂
佛曠劫修因方顯法之體用故四以法嚴人以顯圓
若不得法之體用因果不能圓妙故五以體嚴用以
令周謂用不得體不周遍故六以用嚴體而知本若
無大用不顯體本之廣大故七以體嚴相而知妙謂
相若有體便卽入重重故八以相嚴體以明玄體若
無相不顯體深玄故九以義嚴教超言念由所詮難
思能詮言離故十諸因互嚴以融攝如禪非智無以
窮其寂智非禪無以深其照等又上來互嚴皆有相
資相卽四句今且約理行互嚴以明初相資四句者
一理由修顯故以行華嚴理二行從理發則以理華
嚴行梁攝論云無不從此法界流無不還證此法身
故三理行俱融不二而二非真流之行無以契真非
起行之真不從行顯良以體融行而因圓行該真而
果滿是故標爲佛華嚴也四理行俱泯二而不二以
理之行故非行行之理故非理是則能所兩亡超情
絕相非嚴非不嚴是謂華嚴相卽四句理行全以準

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經疏卷第三

三

用三

思可見則法喻交映昭然有在七釋經十義雜心五
 義已見上文佛地論有二義一貫穿所說二攝持所
 化卽雜心結鬟一義合之應除結鬟開成六義依此
 方訓復有四義一常二法並如前辯三經義卽衆生
 徑路四典義令見聞正法故寶雲經中亦有十義恐
 繁不引第四別釋得名者先得後釋先得名者大以
 當體受名常遍爲義常則豎無初際遍則橫該無外
 方以就法得名軌持爲義雙持體相軌生物解故廣
 以從用得名包博爲義包則廣容博則廣遍佛以就
 人得名覺照爲義照則朗萬法之幽邃覺則悟大夜
 之重昏華以從喻得名感果嚴身爲義感果則萬行
 圓成嚴身則衆德備體嚴以功用受名資莊爲義謂
 資廣大之體用莊真應之佛身經以能詮得名攝持
 為義持性相之無盡攝衆生之無邊後釋名者一就
 法中體用相對大之方廣謂有體之相用故方廣之
 大有相用之體故皆依主釋若相卽者卽持業釋二
 就人中果行相望佛之華非因位之行故華之佛非
 餘行之佛故亦通相卽三以人法相對大方廣之佛
 華嚴非小權乘之佛等故佛華嚴之大方廣非因位
 所得法故相卽可知四教義相對亦通二釋敎望於

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經疏卷之三

三

用三

義及前人望於法兼通有財並可思準第五展演無窮者謂初於最清淨法界開爲理智兩門卽涅槃菩提之異又理開體用卽大方廣智開因果卽佛華嚴總連合成詮卽題中經字又展此目以爲初會初會總故十海是理十智是智十海之中含於體用十智之中亦含因果又華藏世界及遮那徧中卽依正二果皆是佛字大威光太子略示因華彼二所證所觀卽大方廣卽總成一會所信因果體用又展此會以成後八四周因果各因是華果卽是佛其所修所證之體用卽大方廣又展此九會遍周十方謂如第二

會光明覺品辯一類之會已遍十方餘會亦爾又展此諸會各有主伴如說十住十方菩薩皆來證云十方國土皆說此法則前遍法界之會各有重重主伴乃至遍於塵刹異類界等無盡時會皆不出大方廣佛華嚴清淨法界第六卷攝相盡者謂從後漸卷乃至不出九會九會不離初會初會不離總題總題不出理智非理不智故理外無智非智不理故智外無理則理智不二亦攝智從理離體無用攝用歸體體性自離故體卽非體本來清淨強名之清淨法界是以極從無盡乃至一字無字皆攝華嚴性海無有遺

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

餘第七展卷無礙者謂正前展時卽後常卷正後卷時卽前常展展時卽卷故無量無邊法門海一言演說盡無餘卷時卽展故如來於一語言中演說無邊契經海第八以義圓收者上來諸門或以七字攝盡如前已辯或以教義攝盡或以理智攝盡或以人法攝盡或信解行證攝盡或唯普賢文殊毗盧遮那三聖攝盡謂大方廣卽普賢普賢表所證法界故華嚴卽文殊文殊表能證故佛卽遮那具能所故又大卽普賢普賢菩薩自體遍故方廣卽文殊文殊表卽體之智故華卽普賢普賢行故嚴卽文殊文殊以解起行故佛卽圓解行之普賢文殊證法界體用之普賢文殊成毗盧遮那光明遍照第九攝歸一心者上來諸門乃至無盡不離一心一心卽法界故起信云所言法者謂衆生心心體卽大心之本智卽方廣觀心起行卽華嚴覺心性相卽是佛覺非外來全同所覺故理智不殊理智形奪雙亡寂照則念念皆是華嚴性海第十泯同平等者爲未了者令了自心若知觸物皆心方了心性故梵行品云知一切法卽心自性則成就慧身不由他悟然今學法之者多棄內而外求習禪之者好亡緣而內照並爲偏執俱滯二邊既

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

五方廣經卷第三

三

用

心境如如則平等無礙余曾瑩兩面鏡鑑一盞燈置
 一尊容而重重交光佛佛無盡見夫心境互照本智
 雙入心中悟無盡之境境上了難思之心心境重重
 智照斯在又卽心了境界之佛卽境見唯心如來心
 佛重重而本覺性一皆取之不可得則心境兩亡照
 之不可窮則理智交徹心境旣爾境境相望心心互
 研萬化紛綸皆一致也唯證相應名佛華嚴矣第二
 釋品名者梵云薩婆嚕鷄印擎休驃訶柰耶鉢羅叵
 婆娜忙鉢里勿多此云一切世間主莊嚴法門威德
 名品今文存略世者時也卽是世間主者君也謂卽

諸王及佛然世間有三一器世間卽是化處二衆生
 世間卽所化機三智正覺世間卽能化主主則唯二
 諸王及佛主於器界及衆生故佛非世間從所統受
 称妙謂法門體用深廣難思卽主之所得嚴謂嚴飾
 乃有多義一器世間嚴謂其地堅固等二衆生世間
 嚴謂衆海各具法門威德故三智正覺世間嚴謂於
 一切法成最正覺三業普周法門無盡故所以長行
 諸王之嚴偈頌讚德皆顯嚴佛衆生不嚴不感佛興
 正覺不嚴不能爲主器界不嚴非真佛處復由佛嚴
 顯遇者有德衆生嚴輔顯佛超勝如是互嚴亦爲妙

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

嚴諸經無此廣嚴故但初名序品今明序已兼正故廣讚諸嚴以爲華嚴之由序舊云世間淨眼品者謂所得法眼能淨世間故淨卽嚴義餘如前說

大方廣佛華嚴經疏卷第三

音釋

瞽果五切 目盲也釐毫目釐知知切十
切目目盲也釐毫目釐知知切十
動也犢徒谷切抨悲萌披耕謬靡幼切誤也瞬輪
名綴殊衛綴切紂邑俱切葵渠惟切蓋以躉切輪光移也複方
切重勃溝沒也驃匹妙馥房大切馨醞經切香達聞也複方
切深研倪堅切侏落代擺力可娜奴可
也

丹陽居士懋懲照懋瑩懋燾懋煥仰承
先嚴賀學禮遺願施賁刻此
大方廣佛華嚴經疏卷第三 計字一萬二千
八百九十八箇 該銀六兩四錢四分四釐
濟虞弟子契慧 淨住沙彌契機同對
崇禎二年夏月徑山化城寺識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

大方廣佛華嚴經疏卷第四

唐清涼山大華嚴寺沙門 澄觀撰

第十別解文義者然此經文富義博勢變多端況一
義一文包攝法界是以古德用十例科判欲顯難思
其第一名本末部類但顯此經無盡非科今文前已
具明故今略之加前後鉤鎖亦有十例一本部三分
科二問答相屬科三以文從義科四前後攝疊科五
前後鉤鎖科六隨品長分科七隨其本會科八本末
大位科九本末遍收科十主伴無盡科初本部三分
者謂序正流通初品爲序分現相品下爲正宗流通

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

校述

大藏佛說經卷第十四

用四

有無古有七釋一光統律師以法界品爲流通由入法界廣無邊故二隋達法師以法界品內善財下屬流通寄人顯法故三裕法師以法界品後偈爲流通以歎德無盡故四有云末後二頌爲流通以結說無盡歎益勸修故五或云經來未盡故無流通六或云以餘眷屬經爲此流通以彼是此所流出故七或云此經總無流通以法無盡說無休息故諸會各無流通不同大般若諸會皆有流通故此上七解各是一理而前六皆有第七獨無若義會之應成四句一有序正無流通如第七二唯正宗無二分由自初暨

後皆顯玄微並悟物故初雖列衆而歎佛德後雖寄人有修相故三具三分四俱不可說卽言亡言故約義包含不可局取今依具三以分三分之興彌天高判冥符西域今古同遵所以三者夫聖人設教必有其漸將命微言先彰由致故受之以月分由致既彰當機受法故受之以正宗正宗旣陳務於開濟非但寓於時會復令末葉傳芳永耀法燈明明無盡故受之以流通非唯一部當會當品等皆容有之故依三也雖六解皆普通今依第二以寄人進修示物有分流通相故慈氏云若有敬慕心亦當如是學初之一

170 1 2 3 4 5 6 7 8 9

180 1 2 3 4 5 6 7 8 9

190 1 2 3 4 5 6 7 8 9

解令正宗中闕於證入第三但屬善財之一相故未後二偈但結偈中佛德非通一部十行等末類有此偈經來未盡未必在後眷屬流通但約義故故依達公二問答相屬科者古云此九會中大位問答總有五番第一會中大衆起四十問或當會答盡名舉果勸樂生信分二從第二會初有四十問至第七會未答盡名修因契果生解分中間雖有諸問並是隨說隨問非是大位問答不思議品不問因故三第八會初起二百句問當會答盡名託法進修成行分四第九會初起六十句問如來自入師子頻申三昧現相

答名頓證法界分五福城東善財求法等別問別答名歷位漸證分古德以善財猶屬正宗故今既判入流通則前唯四兼取流通以爲五分未爽通塗三以文從義科者此經一部有五周因果卽爲五分初會中一周因果謂先顯舍那果德後遮那一品明彼本因名所信因果二從第二會至第七會中隨好品名差別因果謂二十六品辯因後三品明果亦名生解因果三普賢行品辯因出現品明果卽明平等因果非差別顯故亦名出現因果四第八會初明五位因後明八相果名出世因果亦名成行因果五第九會

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

中初明佛果大用後顯菩薩起用修因名證入因果
 因果二門俱證入故各分因異果亦爲十也四前後
 碩疊科者一部分二謂前九會是本會亦是佛會佛
 爲主故從文殊至福城東已後並是末會亦是菩薩
 會以諸善知識爲會主故二就前中亦二初八會明
 所成解行後一顯所證法界三就前中復二初七會
 明歷位修成行後一明圓融周普行四前中復二初
 明修生因果後普賢下二品明修顯因果五就前復
 二初明修生因後不思議法等三品明修生果六就
 前復二初明位中因行後十定下六品明位後之行
 七就前復二初明地前比行後第六一會明十地證
 行八就前亦二初明位前十信行後第三會已去三
 會明入位三賢行九就前亦二初明所信佛果法後
 問明品下三品明能依能信菩薩行十就前中復二
 初會明佛依報果後名號下三品明佛正報果五前
 後鉤鎖科亦分爲十一第一會爲依報因果前明依
 報果後毗盧遮那品辯因二更取毗盧遮那及第二
 會初三品爲正報因果前因後果三以名號至菩薩
 住處名依起因果依於本有而修起故因果後因四
 從問明品至隨好品明差別因果前因後果五取不

思議下至普賢行品爲圓融因果前果後因以不思議等與前爲果果別於因與後爲果則一一融攝然有六義證成一因果相屬科中多先果後因故二四十八後未有證成普賢行後有證成者結屬前故三普賢品初無別發起便即躡前云略示如來少分境故四以義明之不思議法顯佛德難思一一圓融故五前雖有問不思議品初重念問故六第二會初已有三業爲差別果故由斯六義故普賢行品得屬前因六取普賢行及出現品爲平等因果前因後果七取出現及離世間品爲出現口前果後因成佛涅槃亦因現故非說真成由離世間爲因方能現世八離世間品爲成行因果通辯行故具因果故九取離世間品及法界品爲法界因果前因後果由離世間稱法界故故因不依位果唯證入十法界一品自爲證入因果先果後因其善財已下亦爲無盡因果先後果故歷事至普賢一毛因則無盡普賢說佛德過虛空而果無盡以爲流通故不明之六隨品長分科者長分爲十一通辯教起因緣分二現相品下明佛果無涯大用分三毗盧遮那品舉彼徃因證成分四名號下三品明大用應機普周分五問明品下至

文部
卷之四
東京大学総合図書館所蔵
東京大学総合図書館所蔵

櫻亦因現故非說真成由離世間爲因方能現世八離世間品爲成行因果通辯行故具因果故九取離世間品及法界品爲法界因果前因後果由離世間稱法界故故因不依位果唯證入十法界一品自爲證入因果先果後因其善財已下亦爲無盡因果先後果故歷事至普賢一毛因則無盡普賢說佛德過虛空而果無盡以爲流通故不明之六隨品長分科者長分爲十一通辯教起因緣分二現相品下明佛果無涯大用分三毗盧遮那品舉彼徃因證成分四名號下三品明大用應機普周分五問明品下至

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

十地品末明諸位差別令修分六十定品下至隨好品末明差別因圓果滿分七普賢行品下二品明普行因成現果分八離世間品明因果超絕世間分九法界品中前分大眾頓證法界分十爾時文殊下明一人歷位漸證分七隨其本會科者亦爲十分一初會名舉果令信分二第二會明能信成德分三第三會初賢十住分四第四會中賢十行分五第五會上賢十向分六第六會聖位十地分七第七會因圓果滿分八第八會普賢大行分九第九會初行成證入分十善財下善友教證分八本末大位科者本會爲尤末會有五十五總爲六十四分九本末遍收科者先九會爲九分文殊爲六千比丘說法爲第十分及善財歷一百一十善知識總一百二十分若開諸龍及三乘會及彌勒後文殊普賢三人便成一百二十五以慈氏云此長者子經由一百一十善知識已然後而來至於我所則彌勒已前已有一百一十故及三千大千世界微塵數善友其分數彌多若合爲一則一百二十六分十主伴無盡科者一一會一一品一一法皆結通十方如此間說十方虛空法界一切世界乃至一切塵中皆如是說此結主經也又彼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

一一會等皆有他方塵數菩薩來證法此結伴也卽主伴相與周遍法界重疊無盡是則段數亦無盡無盡也上來十例各顯一理然亦無盡若依常用應依三分謂初品爲序現相品下正宗法界品內爾時文殊師利從善住樓閣出下明流通序中就文分二初此土序二結通十方無盡世界序初中復二初證信序後爾時如來道場下發起序然此二序廣如常解今但略陳初證信者若原其所由則阿難請問如來令置如智度論及大悲經說若覈其所以意有六焉一爲異外道故外道經首皆立阿優以爲吉故此約如是二爲息諍論故智度論云若不推從佛聞言自制作則諍論起故今廢我從聞聞從佛來故經傳歷代妙軌不輟此局我聞三爲離增減過故佛地論云應知說此如是我聞意避增減異分過失謂如是法我親從佛聞文義決定非謂傳聞有增減失四爲斷衆疑故真諦引律云結集法時阿難昇座變身如佛衆起三疑一疑大師涅槃重起二疑他方佛來三疑阿難轉身成佛說此如是我聞三疑頓斷既言我聞卽非佛明矣上二義通約信聞五爲生信故智論云說時方人令生信故此局後四六爲順同三世佛故

此通六種若準佛地論科爲五事一總顯已聞二教起時分三別顯教主四彰教起處五顯所被機今依智論開初總顯已聞作信聞二種爲六成就一信二聞三時四主五處六衆然信聞二事文局初首義通九會時主二種文義俱通處衆二事文義俱局隨相則爾約實互融上來略依三分二序然此經體勢少異故依五分釋文而合後二名依人證入就第一舉果分中或科爲十一教起因緣分卽初一品二大衆同請分三面光集衆分四毫光示法分五眉間出衆分已上在第二品內六普賢三昧分七諸佛同加分八法主起定分九大衆重請分已上在第三品內十正陳法海分在後三品內若以義從文且分爲三一教起因緣分二現相下說法儀式分三世界成就下正陳所說分就初分中亦分爲一一總顯已聞二一時下標主時處三始成正覺別明時分四其地下別顯處嚴五爾時世尊下教主難思六有十佛世界下衆海雲集七從爾時如來道場下稱揚讚德八爾時如來師子座下座內衆流九爾時華藏下天地徵祥十如此世界下結通無盡今卽初也如是我聞者謂如是一部經義我昔親從佛聞故佛地論云謂傳佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

教者言如是之事我昔曾聞如是總言依四義轉一
依譬喻二依教誨三依問答四依許可具如彼論餘
更有釋意不殊前此上總合信聞若離釋者先釋如
是信成就也智論云佛法大海信爲能入智爲能度
信者言是事如是不信者言是事不如是故肇公云
如是者卽信順之辭也信則所言之理順順則師資
之道成經無豐約非信不傳故稱如是有云聖人說
法但爲顯如唯如爲是故稱如是此唯約所詮之理
次真諦三藏云真不違俗名之爲如俗順於真稱之
爲是真俗無二故稱如是此約所詮理事若云如斯

之言是佛所說則唯約能詮有云如者當理之言言
理相順謂之如也是者無非之稱此明說事如事說
理如理明能詮之教稱於事理也融公云如是者感
應之端也如以順機受名是以無非爲稱衆生以無
非爲感如來以順機爲應經以言教出於感應故云
如是此兼對機上來諸釋各是一途更有諸釋言異
意同若依生物之感應如智論及佛地合釋若取敵
對何優應如真諦所釋今當廣之外謂阿之言無優
之言有萬法雖衆不出有無此卽斷常之計今云如
卽真空是卽妙有旣無俗外之真故空而非斷無真

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

外之俗故有而非常卽對破邪宗以彰中道一代時
教不出於斯故云如是若華嚴宗無障礙法界曰
如唯此無非爲是應隨教門深淺以顯如是不同二
我聞者聞成就也將欲傳之於未聞若有言而不傳
便是徒設不在能說貴在能傳故次明我聞我卽阿
難聞謂親自聽聞云何稱我卽諸蘊假者此用何聞
若依大小乘法相各有三說一耳聞非識二識聞非
耳三緣合方聞然或具四緣八緣等雖因耳處廢別
從總故稱我聞法雖無我言語便故隨順世間故稱
我聞非邪慢心而有所說若依無相我旣無我聞亦

無聞從緣空故而不壞假名卽不聞聞耳若約法性
此經旨趣傳法菩薩以我無我不二之真我根境非
一異之妙耳聞無礙法界之法門也然阿難所不聞
經或云展轉傳聞或云如來重說或云得深三昧或
自然能通上皆就跡而說實是大權菩薩影響弘傳
如不思議境界經斯爲良證但隨機敎別故見聞不
同上來總顯已聞竟第二標主時處者卽三成就言
一時者時成就也時者亦隨世假立時分一者揀異
餘時如來說經時有無量不能別舉一言略周故云
一時如涅槃云一時佛在恒河岸等卽法王啓運嘉

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

根迹

會之時也亦可機教一時謂上言如是言雖當理若不會時亦爲虛唱今明物機感聖聖能垂應凡聖道交不失良機故云一時佛者主成就也具云勃陀此云覺者謂自他覺滿之者雖具十號佛義包含故偏明之義見題中三在摩竭下處成就也真身無在而無不在故次辯之摩竭提國者通舉說處此云無毒害以國法無刑戮故表能化法或云遍聰慧聰慧之人遍其國故表所化機阿蘭若法者別舉說場也阿蘭若者此云無誼諍卽事靜也法者所證真理二障業苦誼雜斯盡也事理俱寂故加法言菩提場者菩

提云覺卽能證大智圓明究竟也場者證菩提之處也然事處卽天地之中王舍城之西二百里金剛座上約法則萬行皆是道場理智相會之所以爲表所說如所證故不移其處說之若圓融時處等並如前說第三別明時分者前標一時未知何時故今別顯是初成佛時亦彰大師出現時也此教勝故衆教本故在於初時初言尚總幾日之初九會之文同此初不略爲三解一約不壞前後相說纔成初七說前五會第二七日說十地等第九一會乃在後時以祇園身子皆後時故常恒之說不妨後時雖能頓說有所

表故初五信解行願最在初故故皆云不離道樹第六會因地證位居其次深故無不起菩提樹言法界極證最在後故亦顯二乘絕見聞故雖異處別時亦不相離爲寄穢土以顯淨故須前後耳若爾世親那云初七不說但思惟行因緣行耶世親纔見十地卽爲論釋或則未窮廣文或則知見有異未全剋定菩提流支意太同此二順論釋九會皆在二七日後二七非久亦名始成三約實圓融釋皆在初成一念之中一音頓演七處九會無盡之文海印定中一時印現以應機出世機感卽應應卽有說無非時失故祇園身子蓋是九世相收重會之言亦猶燈光涉入故法界放光亦見菩薩遍坐道場成正覺故此經十地之初無二七之言二七之言順別機故諸經論顯初說時有多差別謂普耀密迹二經第二七日卽說三乘法華過三七日方云說小四分律中六七興顯行經七七五分八七智論五十七日有云與十二游經一年大同時既不定說亦不同皆根器所宜見聞有異約佛赴機無時不說望器無感未曾有說登地恒見常說一味之經就佛而言無說不說若攝方便皆一乘之印現差別耳無涯之說不應局執故應

170 1 2 3 4 5 6 7 8 9

180 1 2 3 4 5 6 7 8 9

190 1 2 3 4 5 6 7 8 9

總攝以爲十重如前已辯上顯時分次釋成正覺義
約教不同小乘三十四心斷結五分法身初圓名成
正覺是實非化大乘之中約化八相示成約報十地
行滿四智創圓名曰始成正覺據實卽古今情亡心
無初相名之曰始無念而照目之爲正見心常住稱
之曰覺始本無二目之爲成約法身自覺聖智無成
無不成若依此經以十佛法界之身雲遍因陀羅網
無盡之時處念念初初爲物而現具足主伴攝三世
間此初卽攝無量劫之初無際之初一成一切成無
成無不成一覺一切覺無覺無不覺言窮慮寂不壞

假名故云始成正覺如出現品及不思議法品廣顯
攝前諸說皆一乘之所現也第四別顯處嚴者然此
下處主及衆卽三世間嚴三中前二卽如來依正衆
卽淨土輔翼不空今初器界嚴者卽廣於前場之嚴
顯成前覺之妙異於餘經之處於中四事各十種嚴
明卽染顯淨卽爲四別第一地嚴第二樹嚴第三宮
殿嚴第四師子座嚴然此諸嚴各具三釋一約事可
知二表法謂地表心地法身樹表菩提宮殿表無住
涅槃座表法空等三就因行謂一以窮心地法身之
因報得增上金剛之地二以般若爲因三以悲智相

導爲因四亦以法空爲因然或一因行成一切嚴或
一切行成一嚴或一行成一嚴或一切行成一切嚴
以通融別純雜無礙今但明一行一嚴顯所表故然
各攝無盡之德故四事皆有十句初總後別今且就
文各分爲四今初心地十句分四者第一總顯地體
二四地相具德三四地上具嚴四一舉因結用今初
標以堅固釋以金剛諸教或云木樹草座多云座是
金剛今全地金剛則權實斯顯徹華藏故廣如彼品
次上妙下地相具德約因釋者一寶輪者一攝一切
圓行致故二及衆寶華開覺悅他故三清淨摩尼圓

淨明徹故以上三行用嚴心地故結云以爲嚴飾上
皆形色四卽顯色謂青黃等殊名諸色相種種重疊
深廣如海互相映發等彼波瀾或諸色俱生或更相
攝入舍虛瑩徹現勢多端名無邊顯現此由隱顯自
在定散無礙隨機利行之所致也三摩尼下明地上
嚴者一寶幢曲有五句一摩尼爲體二三光音明用
四五網纓辯飾就因行者降魔伏外爲幢智光常照
慈音外悅願行交羅戒香芬馥四攝周垂故二摩尼
雨寶表神通如意隨機變現雨法寶故三妙華散地
亦多因行遍嚴心故四寶樹行列者德行建立故四

佛神力下舉因結用佛力者出所因也嚴具多門別說難盡故總云一切悉現或於樹中現或於上諸嚴具及地中現明一一行中皆道場故第二覺樹嚴者卽大智因感有十一句分四初一總顯高勝長聳迥露圓妙獨出故約因卽智超數表爲高本性不昧爲顯成物具德曰殊更無二真爲特約果樹卽菩提二金剛下六句明體攝衆德一身是金剛金剛三昧本智因故正行成立爲樹身也二榦是瑠璃本智發解內外明徹故三雜寶枝條解隨境差故四條假葉以爲嚴智資定而深照寶葉雖異共成一蔭百千定門

同歸一寂自蔭蔭他也五寶華異色在樹分枝承光色同於地布影表神通等法依定有差俱承智光影現心地六華雖不同果皆如意無邊行海同趣菩提若自利果成肉則舍輝若身心湛寂外便發焰若觸境斯明若利他果立未熟則舍輝解生佛相已熟則發焰還流敎光體如之行所成果無異因之果故與華間列故下經云菩薩妙法樹生於直心地等三其樹下三句明妙用自在展轉成益初依菩提放敎智光次依智光雨圓明法寶後敎成悲智卽菩薩現前無心行成故如雲出四又以下一句舉因結用謂

佛力爲因流音演法以如如力則智演法音音還如性故無盡極廣多故無盡豎長故無窮無間故恒也第三如來所處下明佛宮殿嚴十句分四初一總明分量宮可覆育卽是慈悲殿可朝宗所謂圓寂悲智相導若樓閣相依廣者無邊法無外故博者不隘法內空故嚴者莊飾具衆相故麗者率美法義備故充十方者稱法性故二衆色下二句體相圓備一體是摩尼積德鎔融之所成故二相嚴多種神通等法悲寂用故三諦莊嚴下六句妙用自在一衆行發光灑法如雲雲更多義至下當辯二光幢獨出萃者聚也卽承光聚影而成謂悲寂交際承智起應降魔超出故三內容衆海無邊菩薩卽道場外者亦在其中卽依中有正亦果中有因卽明涅槃衆聖冥會四聲光寶網綱者爲防禽穢以益殷嚴猶大教網外防惡見內益悲寂教皆圓妙以寶而成故能出佛智光圓音妙說言不思議音略有四義一音聲繁廣二所說難量三聲卽無聲四一具一切五出生果用卽正報大用在此依中依正混融參而不雜明依大涅槃能建大義故曰出生六無染現染衆生是正居處是依染違性淨不言出生妄無自體還依真現四又以下

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

標題

大方廣佛華嚴經卷四

用四

舉因顯廣謂德廣難陳故今總結由佛力故一念頓包事理染淨一切法界況多念耶然上充遍十方卽通局無礙集菩薩衆出佛神通卽攝入無礙現生舍宅卽染淨無礙悉包法界廣匝無礙一念卽能延促無礙又集菩薩因果無礙出佛神通依正無礙十種宮殿此應說之第四其師子下師子座嚴十句分四初一總顯形勝師子座者人中師子處之又說無畏之法故得法空者何所畏哉空乃高而無上深不可測廣而無外邊不可窮妙乃卽事而真好謂具德無缺二摩尼下六句體德圓備一座臺摩尼卽處中正可依處摩尼隨映有差法空隨緣成異中道妙理正是可依二周座華網卽外相無染交映本空三淨寶爲輪輪謂臺之處中周帀輪圍卽具德周遍四華纓周垂諸覺諸通垂化周攝五寶嚴填飾堂等略舉凡諸總包無處不嚴故云備體顯於法空全收萬像無事非理故六寶樹間飾間上物象也卽菩薩妙法樹隨化分枝隨因感果並依無相義曰周廻凡聖相資名爲間列三摩尼光下二句妙用廣大一淨寶出光如雲涉入法空亦爾一一智中知一切法一一法體顯一切智爲互照也二主伴實用互相發揮謂佛化

170 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

摩尼能作佛事智論云輪王寶珠但隨人意能雨寶物天寶堪能隨天使令佛寶十方能作佛事菩薩寶珠亦能分作如文殊師利冠中毗楞伽寶珠十方諸佛於中顯現今菩薩髻珠即是其類下文雲集菩薩髻珠亦爾用此嚴座者凡初成佛皆一切諸佛現形灌頂一切菩薩親授敬養故因果寶珠俱來瑩燭如來從果起用故云化現理圓解滿義曰珠王菩薩心頂智照圓淨故曰髻中妙寶寂照照寂皆瑩淨照燭四復以下一句佛加廣演佛境如空故云廣大有感斯至爲無不及顯教皆從法空所流是故所流還周法界非智不顯故云佛力顯處嚴竟第五爾時世尊下明教主難思前但云佛未顯是何身佛又但云始成正覺未知成相云何故今顯之謂具十種深廣功德卽是遮那十種無盡法界身雲遍於法界成正覺也非權應身文分爲二先總後別今初總辯卽菩提身具無盡德爲世所尊座相現時身卽安處智處諸法無前後故於一切法示所覺境卽二諦三諦無盡法也成最正覺示能覺智開悟稱覺離倒爲正至極名最獲得名成此當相解若揀別者凡夫倒惑佛覺重昏二乘雖覺不名爲正但知法有未知法空但悟

我空未知我有有狀生死空沉涅槃顛倒未除豈得稱正設許稱正亦未名最菩薩雖正有上有修不得稱最設位極稱最亦未得名成我佛獨能故云成最正覺謂如量如理了了究竟已出微細所知障故後智入下別中卽約十德別顯十身文卽分十一三業普周二威勢超勝三福德深廣四隨意受生五相好周圓六願身演法七化身自在八法身彌縫九智身窮性相之源十力持身持自他依正今初卽別顯菩提身之相也以成菩提時得無量清淨三輪故文中先法後喻法中三先意次身後語今初意業卽釋上

成正覺言前云於一切法此云三世乃橫豎影略耳智入平等是正覺成也智卽二智三智四智無障礙智二智者卽如理如量也此復有二一以如量智達俗名入三世以如理智證真名悉平等故佛地論云以二智覺二諦是也二者證差別性卽無差別故三世卽平等瑜伽云如其勝義覺諸法故名等正覺言三智者卽俗智真智中道智也此亦二義一真俗互泯雙遮辯中則三世平等二相兩亡方爲智入二真俗雖卽而不壞相卽雙照明中此二覺三諦之境境旣雙泯而雙現智亦寂照而雙流爲無障礙智覺無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

方丈房傳重及系譜卷第四

五

用四

障礙境爲正覺也言四智者卽圓鏡等四智也通緣三世境故並入三世言平等者鏡智離分別故依持平等平等性智證平等性故妙觀察智觀察平等成所作智普利平等四智圓融一句攝盡下身語等皆是四智之所發現四智圓融無二性故修生本有非一異故不失經宗然上能覺卽成上菩提就其所覺卽法身也理智無二爲真法身二其身下身業也通三世間故云一切此正覺身以是十身之總故此其身通於三身十身無不充滿法身普遍世所同依故智身證理如理遍故色身無礙亦同理遍並是圓遍

而非分遍謂一切世間一一纖塵等處佛皆圓滿總看亦現別看亦現又國土等卽是我身土等體外無別我故我卽土等我之體外無土等故餘一身互望融攝猶多燈光各互相遍三其音下語業也順有三義一順異類言音經云一切衆生語言法一言演說盡無餘故二順所宜說法如來於一語言中演說無邊契經海故三則順遍佛以一妙音周聞十方國故二譬如下喻顯通喻三業然佛三業非喻能喻唯虛空真如略可顯示更以餘喻便爲謗佛然虛空喻有同不同故下經云解如來身非如虛空一切妙法

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

方丈房中書院系錄卷第十四

三

用四

所圓滿等此顯不同今分取同義同義多種如下十忍品今有二喻開成四義一含攝喻兼無分別義二普遍喻兼遍入義以此四喻喻意業者下經云佛智廣大同虛空故此總喻也量智包含而普遍理智無分別而證入又大圓鏡智純淨圓德現種依持能現能生身土智影卽含攝義下經云菩提智普現一切衆生心念根欲等而無所現無所現言無有分別平等性智觀一切法自他有情悉皆平等亦無分別無分別言顯無差別故下經云於一切義無所觀察等是以太虛能含衆像衆像不能含太虛太虛不分別

衆像衆像乃差別太虛以況我法不能容佛智佛智乃能容我法有我法者分別如來是如來者不分別我法二普遍喻中妙觀察智無不遍知卽普遍義成所作智曲成無遺卽隨入義又下經云佛智廣大同虛空普遍一切衆生心此卽體遍悉了世間諸妄想此約智遍又云得一切法界等心此約證遍智性全同於色性故此約理遍云何遍入不壞能所有證知故故下經云世間諸國土一切皆隨入智身無有色非彼所能見由隨於如卽入無所入故云平等是以虛空遍入國土國土不遍入虛空有國土處必有虛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

空有虛空處或無國土虛空之於國土平等隨入國
土之於虛空自有彼此虛空可喻佛智國土可喻三
世三世有處佛智必在其中佛智知處三世或無其
體佛智之於三世平等隨入三世之於佛智自有始
終此猶約不二而二說耳若二而不二國土虛空三
世佛智同一性故皆互相入舉一全收普遍亦然三
世間圓融則言思道斷故名佛智爲不思議也次以
二喻喻身業者一毛尚容法界全分必舍衆像出現
身業第二喻云譬如虛空寬廣非色而能顯現一切
諸色而彼虛空無有分別亦無戲論合云如來身亦

復如是一切衆生諸善根業皆得成就卽舍攝義而
如來身無有分別卽第二義佛身充滿於法界卽普
遍義又云譬如虛空遍至一切色非色處非至非不
至如來身亦復如是遍一切法一切國土等卽普遍
義亦非至非不至卽平等隨入義次以四義喻語業
者如來於一語言中具一切語言故舍支天鼓無心
出故如來音聲無不至故應知如來音聲無斷絕普
入法界故又云如來音聲無邪曲卽平等義隨其信
解令歡喜故卽隨入義以空一喻遍喻三業故云正
覺得無量清淨三輪明文昭然非是穿鑿菩提身竟

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經卷第十四

三

用四

第二身恒下威勢身超勝謂隨諸有情所樂示現受用身土影像差別無不周遍言一切道場者略有十種一智身遍坐法性道場二法身非坐而坐道場三法門身安坐萬行道場四幻化身安坐水月道場此四義便故來若正約威勢身略辯六類道場一遍一切同類世界道場如名號品等說二一切異類世界謂樹形等如世界成就品三一切世界種中四一切世界海中並如華藏說五一切微塵中文云如於此會見佛坐一切塵中亦如是等六刹塵帝網無盡道場并前十種故云一切言菩薩衆中威光赫奕者正

顯威勢超勝勝於勝者故獨言菩薩非不超餘如日輪出照明世界約喻以顯曠山出沒無隱顯故處處全現無異體故喻遍坐道場大明流空餘輝掩耀赫日之照難究其涯喻彼威光超曠菩薩菩薩不能測也既云照世則終益生盲先照高山獨言菩薩第三三世下福德身深廣三世佛德昔皆遍學今三際已斷垢習斯亡故衆福皆淨第四而恒下隨意受生一隨他意處處受生二隨自意能無不生謂慈悲般若恒共相應感而遂通窮未來際第五無邊色下相好莊嚴身色無盡故名色無邊十蓮華藏微塵數相名

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

相無邊而皆稱真則一一無邊諸相隨好放光常光
皆稱法界故云圓滿廣處匝處皆圓現故名無差別
第六演一切法如布大雲卽願身演法謂雨大法雨
斷一切疑故下經云毗盧遮那佛願力周法界一切
國土中恒轉無上輪然經二句上法下喻文含多意
一雲喻於身雨爲說法法喻影略又先興慈雲後霆
法雨一雲一雨所潤不同亦隨物機宜雲雨各異掩
塵蔽日普覆無心等第七一一下化身自在謂於大
衆會能現無邊作用差別皆自在故文中二光明廣
容謂於如來身一一毛頭容一切刹而無障礙無礙

有二義一以一小毛現多大刹則一多大小無礙二
此毛多刹與彼毛多刹參而不雜則隱顯無礙後各
現下普遍以廣容不礙普遍故還於前毛內刹中神
力調生若廣遍十方示現種種變化三業成所作事
居然易了第八身遍下法身彌縫以法爲身本來湛
遍故無來往依法現色還如法身在此卽是在彼亦
不待往來第九智入下智身窮性相之源相別曰諸
性皆空寂性靜故寂相無故空第十三世諸佛下力
持身能持自他依正於中先持正報神謂妙智變謂
現身轉變變現俱名爲變皆能持之尚持於他況於

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經疏卷第五

三

用四

自事後段亦然後一切佛土下能持依報橫盡諸土
豎窮諸劫所有嚴事常持令現上約十身若約三身
者則初三段皆名報身而恒下化身身遍十方下法
身就報身中前一自受用報後二卽他受用報故云
處菩薩衆以諸教中說三身四身成說等別今皆圓
融於一始成無不頓具十身爲正三四義兼又毛內
調生光中持刹如空普遍等亦卽國士等十身三世
間之圓融豈報化之云別是知略以十德歎於教主
其一一德無不圓融當去情思之矣

大方廣佛華嚴經疏卷第四

古釋

陔涉切裕俞戊

肇直紹

誼許元切

幹古曰一切

陰

禡

猶揭也裕切

肇切

誼許元切

幹枝幹也

陰

於禁切

霆朱戌切

霖霑也

明衆海雲集果雖深廣

陰

莊也

霆霖霑也

明衆海雲集果雖深廣

陰

丹陽居士

賀慤熙憊照懋瑩懋壽懋輝仰承

先嚴

賀學禮遺願施貴刻此

大方廣

佛華嚴經疏卷第四

計字九千七百

零十箇

該銀四兩八錢五分五厘

海虞弟子契慧

淨住沙彌契機同對

崇禎二年夏月

徑山化城寺識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

出家樹頭心盡懶心執拂木

和如空普通守亦即國土等十身三世

五身山雲山也

六身火山雲山也

七身山雲山也

八身山雲山也

九身山雲山也

十身山雲山也

大方廣佛華嚴經疏卷第五

唐清涼山大華嚴寺沙門澄觀撰

第六有十佛世界下明衆海雲集衆雖深廣_註測略
啓十門一集意二集因三辯類四定數五權貞六地
位七前後八有無九聞不聞十釋文今初來至佛所
何所爲耶有十義故一爲影響爲主伴故二爲作輔
翼得圓滿故如普賢等常隨之衆三爲守護如來如
執金剛等諸佛住處常勤護故四爲莊嚴如道場神
等常爲嚴淨佛宮殿故五爲供養如偈讚卽正行供
養華幢等卽財供養故六爲發起此經諸請難者卽

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

其事故七爲聞法獲益當機領悟卽其類故八爲表法諸首諸林表信行等皆同名故及座出菩薩等顯奇特故亦通表萬行俱成佛故九爲順證佛菩薩等證說不虛故十爲翻顯卽聲聞不聞顯法不共故爲斯多意所以衆海雲集非唯證信而已也第二集因亦有十因一曾與毗盧遮那如來同集善根故二蒙佛四攝曾攝受故三往在生死聞圓法故四曾發大心護一切故五往發大願願事佛故六隨逐如來無厭足故七樂聞正法心無倦故八善能散滅我慢心故九福智已淨身周遍故十同一法性善根大海之所生故爲此多義得預斯會中有集因亦通集意及隨諸衆各有別因可以思準第三辯類卽上集意便成十類一影響衆二常隨衆三守護衆四嚴會衆五供養衆六發起衆七當機衆八表法衆九證法衆十顯法衆準前可知第四定數者稱法界衆焉能數知卽文而言九會都數總有一百七十五衆都序之中有四十一衆謂同生有一異生三十九師子座中一若兼取前菩提樹中所流及宮殿中無邊菩薩總四十三衆此四十三遍於九會第一會中有二衆謂新集十方衆佛眉間衆添成四十五第二會有新舊二

支那
大藏經佛華嚴經卷第
五
東京大學総合図書館所蔵

所生故爲此多義得預斯會中有集因亦通集意及隨諸衆各有別因可以思準第三辯類卽上集意便成十類一影響衆二常隨衆三守護衆四嚴會衆五供養衆六發起衆七當機衆八表法衆九證法衆十顯法衆準前可知第四定數者稱法界衆焉能數知卽文而言九會都數總有一百七十五衆都序之中有四十一衆謂同生有一異生三十九師子座中一若兼取前菩提樹中所流及宮殿中無邊菩薩總四十三衆此四十三遍於九會第一會中有二衆謂新集十方衆佛眉間衆添成四十五第二會有新舊二

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

衆第三四會各有四衆謂新舊及證法衆天衆第五會一百一十一衆謂新舊衆昇天品內供養衆有一百七并天衆證法衆第六會四衆謂天衆同生異生證法衆七八兩會各唯一衆謂普賢等舊衆第九會三衆謂菩薩聲聞及天王等舊衆舊衆雖重隨會別故並皆取之然此諸衆或總爲一一乘衆故或分爲二以有實衆及化衆故或可爲三人天神故或爲四佛菩薩人非人故或五非人開天神故或六加畜生故或七天分欲色故或八菩薩有此界他界故或九他方有主伴故或十加聲聞故或一百七十五如前

說故或無量無邊義類多方故一一或以佛刹塵數等爲量故又如新集菩薩毛光出衆例上皆爾故一衆皆無分齊此猶約相別若融攝一會中皆具一百七十五衆以稱法界緣起之會互相在故上且約一界若通十方及異類刹塵帝網無盡無盡是爲華嚴海會衆數第五權實者夫能對揚聖敎影響其跡靡不是權當機之流多皆是實諸敎所明穢土之中雜類菩薩聲聞皆通權實地前是實地上是權法身無生生五道故淨土菩薩唯實實報生故雜類聲聞是權攝論云欲令淨土不空化作雜類衆故若依

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

援述

大方廣佛華嚴經疏卷第

用五

此經同生異生皆通權實海印定現實德攝故隨緣隨位而示現故第二會初云莫不皆是一生補處故對前十類辯權實者影響一衆自有二類一果德衆謂能加證法諸佛互爲主伴非權非實若位極菩薩影響一向是權故有經云昔爲釋迦師今爲佛弟子二尊不並化故我爲菩薩等當機唯實餘八通權實第六地位者有說一切皆是果位以是舍那海印現故或說一切皆因果果得不捨因隨類現故因位現所現故或皆通因果得不捨因隨類現故因位願力助佛化故當機之流正修趣故或俱非因果緣起

大衆同真性故將此對前權實則果位一向權因位通權實若對前十類影響證法通因果餘八唯因因位高下難以準定第七前後者初列菩薩後列餘衆者表從本以起末下讚卽後明菩薩者表尋末歸本良以本末無二故二文互舉又從本流未必先小後大故自在天爲末攝末歸本必從深至淺故先明自在然皆顯法界緣起逆順自在故也又表四十位一一皆徹因門並該果海故互舉前後令物不作優劣之解故第八有無者亦有十類一約界無無色二約趣無地獄此二非器故若約轉生有地獄天子若約

支那

大藏書院藏卷第五

四

用五

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

所益亦通無色三界皆益故三約洲但列闍浮餘三
略無故或成難故四約乘無二乘不共教故下爲顯
法亦不見聞故智度論云若小乘經初唯列聲聞若
大乘經初具列菩薩聲聞若一乘經初唯列菩薩故
指此經爲不共教或大乘經唯列小者爲引攝故如
金剛經或唯列大亦屬大乘主伴不具故主伴具者
必是一乘五約部無四衆未說小教故六約主無人
王王未知故七約三聚無邪定彼障隔故生育之流
但冥益故八約內外無外道非彼測故九約諸天無
無想入邪定故十約善惡無惡魔不爲違害天中攝

故上十且隨相說圓融應有卽無所不具第九聞不
聞者約權前後皆互得聞約實當會自聞縱不起前
而趣於後亦各不相知若約頓機許一時頓領上之
九門且從顯著略爲此釋申本廣本或隱或顯不可
執文第十釋文第一會中前總四十衆大分爲二初
一同生餘是異生故論云解脫月是同生衆故又云
同生衆請則知兼有地前明知不約地位餘釋云云
不符論意云何名爲同異生耶然有二義一謂雜類
作諸異生種種形故菩薩得法性身同人作一類菩
薩形故二菩薩爲同者通諸位故神等爲異法界差

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

別德故其四十衆文皆有三一標數辯類二列名總
 結三攝德周圓今初同生衆中第一標數辯類中先
 辨數佛世界者下辯世界略有三類一世界二種三
 海今云世界則非種非海權實共許一三千界一佛
 化境故或名佛刹佛土皆準此也微塵者七極微量
 也謂抹三千界並爲微塵一塵爲一菩薩則數已難
 量矣況舉十數表無盡耶菩薩摩訶薩者辯類也卽
 捣非餘衆具云菩提薩埵摩訶薩埵令從略耳然有
 三釋一菩提是所求佛果薩埵是所化衆生卽悲智
 所緣之境從境立名故名菩薩二菩提是所求之果

薩埵是能求之人能所合目故名菩薩三薩埵此云
 勇猛謂於大菩提勇猛求故摩訶云大大有四義一
 者願大求大菩提故二行大二利成就故三時大經
 前後二或唯地上更有諸大亦不出此此等並是舍
 那佛內眷屬動止常隨故云所共圍繞二其名下列
 名結數先列其名後結略顯廣今初夫聖人無名爲
 物立稱雖得名千差而多依行德行德皆具而隨宜
 別標先十同名普者顯具法界總相德故後十異名
 者顯具法界別相德故總別相融同一法界今初十

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

名之普是別之總普下十異顯卽普能別普義方成
 此是古今諸佛同行普賢之行隨於諸位差別不同
 縱成正覺亦普行攝故先明之言普賢者體性周遍
 曰普隨緣成德曰賢此約自體又曲濟無遺曰普隣
 極亞聖曰賢此約諸位普賢又德周法界曰普至順
 調善曰賢此約當位普賢又果無不窮曰普不捨因
 門曰賢此約佛後普賢位中普賢悲智雙運佛後普
 賢智海已滿而運卽智之悲寂而常用窮未來際又
 一卽一切曰普一切卽一曰賢此約融攝所以先列
 者爲上首故法門主故法界體故一切菩薩無不乘

故無一如來非此成故令諸聞者見自身中如來藏
 性行普行故上雖多義離釋今從別稱合釋無處不
 賢名曰普賢卽體普也此一爲總餘九爲別二德普
 謂稱性之德充於法界以爲最勝委照無遺如燈之
 光三慧普遍照嚴刹決定高出故四行普內行圓淨
 智焰外燭故稱爲妙五音普具一切音演佛淨土深
 廣高出之行故六智普照佛法界無盡境故七心普
 智寶嚴於心頂通行等華高出物表故八覺普遍覺
 性相聲皆悅機故無不歸者九福普障無不淨稱真
 無盡故十相普無光相之光相遍益衆生故六相圓

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

融思之二海月下十異名菩薩一海月光大明者十
德十山皆依大海十地十度皆依佛智海中看月淨
而且深依智嚴刹深而且淨如海卽大如月卽明故
以名也二講如雷震故曰雲音辯才汎灑猶如海光
又海上有光天涯無際佛智起用一念普周淨惑無
窮名無垢藏三修治二嚴猶如淨寶祕密高顯故有
髻言四法王出現作用自在二嚴圓滿爲功德光五
勇猛化生不染化相雨法玄妙如解髻珠六慈雲智
日互相資映長劫普應高出如幢七堅利智慧與精
進俱故得稱大智爲行本若齊爲壽因八戒等行發

是爲香焰種智高直故曰光幢九智光遍照是大明
德稱真適物名深美音十大智發光遍照佛境令福
非福相禍亦稱大二如是等下結略顯廣第三此諸
菩薩下攝德圓滿中二初別歎勝德後總結多門初
中亦二初二句就緣歎餘就行歎今初初句徃因同
行顯主伴有由後句從德海生明長爲輔翼言毗盧
遮那者毗卽遍也盧遮那光明照義廻就方言應云
光明遍照然有二義一身光遍照盡空乃至塵道二
智光遍照真俗重重法界身智能所合爲一身圓明
獨耀具德無邊故立斯號又毗者種種義盧遮障義

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

那者盡義入義卽種種障盡種種德圓故普賢觀經云釋迦牟尼名毗盧遮那遍一切處卽身亦遍非唯光遍又云其佛住處名常寂光卽土亦光矣又云當波羅蜜所攝成處我波羅蜜所安立處卽德圓義又云淨波羅蜜滅有相處卽障盡義又云樂波羅蜜不住身心相處不見有無諸法相處卽證入義又云如寂解脫乃至般若波羅蜜是色常住法故明皆卽應卽真爲本師矣此經文證本品當辯言共集善根者卽備道資糧言修菩薩行者卽作所應作云何共集互爲主伴故主伴有三一廻向主伴二同行主伴三

如相主伴皆稱共集後句言善根海生者謂佛德無邊積妙法寶智定盈洽故稱爲海從生有四一從自佛善根海生謂已圓十身故二從本師海生佛爲勝緣曾已攝受授法令行得成滿故三與遮那同於餘佛海生以上云共集故四從法性佛海生以上德海諸佛共同平等一味但稱性修卽是從生不揀自他故梵本云與佛同一善根海生第二諸波羅蜜下就行德以歎夫大士必崇德廣業虛心外身崇德故進齊佛果廣業故行彌法界虛心故智周萬法而不爲外身故功流來際而非已故德難名矣略分爲三一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

明自分因行德二勝進果行德三二行無礙德初中亦三一自利行圓二利他行滿三證理位極今初有三句一諸度行滿謂六度十度八萬四千多劫積集究盡事理故云圓滿二慧眼下十眼明徹分別名慧照矚稱眼障醫斯盡智無不矚故云明徹五眼之中慧眼觀理理無異味故云等觀十眼之中慧眼觀事事無不見故名等觀是則委見其事爲明深達其性爲徹欲以一眼含諸具通事理但舉其慧三於諸下深定已滿三昧者此云等持遠離沉掉平等持心趣一境故而云諸者其餘諸緣亦一境故真如三昧爲

其定體隨境入別塵數多端故云諸也橫則無定不窮豎則深入無際故云具足定障永亡故云清淨第二辯才下利他行滿有三句卽三輪化益一語含四辯卽正教輪辯謂巧顯深理才謂巧應機宜萬法咸演則廣大無涯千難殊對則無竭盡故如海也又海遇風緣則洪浪雲涌智逢機請則口辯波騰請者旣許無邊辯亦廣大無盡二具佛下身業神通輪謂三業無失智深叵撓爲具佛功德故得外儀儼若肅然可敬三知衆生下意業記心輪根義總明文舍性欲言如應者根有生熟化不失時器有大小授法無謬

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

化謂教化卽應攝受者而攝受之伏謂調伏卽應折伏者而折伏之由此其行入正法故第三入法界藏極亦三句一證理法謂以大智證入平等真法界藏依佛性論說有五藏一如來藏謂在纏舍果法故二自性清淨藏謂在纏不染三法身藏謂果位爲功德所依四出世間上上藏謂出纏超過二乘菩薩五法界藏謂通因果外持一切染淨有爲故名法界內含一切恒沙性德故復名藏此義寬通故今證入言智無差別者所證之藏平等要無分別方契此則智自無差卽由上義能所不殊又此能證智與

所證藏冥合一味無有境智之異故云無差此復有二一同無相故下經云無有少法爲智所入亦無少智而入於法二同法界故則能所各互攝盡故下云無有智外如爲智所入智攝如盡故亦無如外智能證於如如全攝智故若皆一味豈令智同於境而無智耶古德釋云智相盡故不有能令智相盡故不無不爾豈令諸相皆盡而智獨存是故於境則不礙真而恒俗於智則不礙寂而恒照卽境智非一境則不礙俗而恒真智則不廢照而恒寂卽境智非異境則空有無二智則寂照雙融故云無差別也上來所釋

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

解述

大方廣佛華嚴經疏卷第五

用五

約真理寂寥與止寂相順俗諦流動與觀照相順起
信等中且爲此釋未盡其源以令照真不得名照照
俗之時不得卽寂故今正釋者謂言用則同而異由
境不能照智有照故言寂則異而同境智無異味故
同故無心於彼此忘心契合故異故不失於照功智
異木石故故名真智證理境則唯寂智則寂而常照
若約照俗則以後得智照差別之境若約融真俗者
境則真俗不二智則權實雙行亦爲一味而不失止
以雖雙行而卽寂故若約三觀及融境智至下當辯
二證佛下明證果法言解脫者謂作用自在如不思

議法品說於一念中建立三世一切佛事等總有十
種廣如彼說卽用而真故甚深用無涯畔故廣大上
窮彼際故云證也三能隨下明得位極謂普賢身遍
於六位隨在一位以願海力持於一切故舊經云在
於一地普攝一切諸地功德今此文順西國若順此
方應云能以方便隨入一地以願海力攝持一切地
也然有引梵本廣畧此中句數開合不同不必應爾
何者夫譯梵爲唐誠乃不易苟文小左右貴於旨不
乖中若理不可通則正之以梵本譯人意近則會之
以舊經言異意同何必廣引言恒與智俱者明智窮

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經卷第王

十一

用五

來際文舍二義一望前謂雖在因中一地而願力持一切地功德皆與智俱盡未來際不離一地如一地餘地亦爾是故因門盡於未來恒是一一諸位菩薩不見作佛時二望後以盡未來之大智入如來之果海也雖有二義順前義勝第二了達下明勝進果行分二一得果法二起果用今初有四句一入佛密境此有二意一佛卽密境以三業業具非餘測故謂非色現色摩尼不能喻其多非量現量應持不能窮其頂不分而遍一多不足異其體全法爲身一毛不可窮其際此身祕密也佛言聲也非近非遠目連尋之

無際身子對而不聞非自非他若天鼓之無從猶谷響而緣發無邊法海卷之一言無內圓音展之該萬類是謂佛口密也意則無私成事等覺尚不能知密之至也皆廣大無涯超絕奇特故云希有二佛之密境卽謂一乘如來知見禪定解脫深入無際帝網之境時乃說之故云希有久默斯要甚爲祕密又權實隱顯唯佛方知故云祕密今洞見其源故云了達二善知下入佛平等亦有二意一佛佛平等謂一切諸佛體性平等法身無二故智慧平等德無增減故內用平等悲願普應故二者佛所證法平等卽第一

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

義此二無二稱此而了故名善知三已踐下明得佛位謂佛有十地如大乘同性經說一甚深難知廣明地乃至第十名毗盧遮那藏海智地此十同是佛地約德用成別今普光明當其第一普卽廣義光明卽明甚深難知此文雖略義在普中舉初攝後理實皆踐又普光明亦十地之總總不出於普法智光故四入於下證佛三昧謂海印等定皆深廣如海並通一實故得稱門第二於一切下明起果用文有三業一現佛身業遍世同事二同佛意業總持大法三得佛語業能轉法輪不退有四一稱理不退無改說故二

應機不退無虛發故三利益不退聞已必定故四調伏不退天魔外道不能動故復有四種不退謂信位證念今當第四念不退也第三一切如來下二行無礙德謂引攝佛德不礙修因故文有五句一引攝佛德然有二義一則行成攝果二則諸佛同加二一切下隨佛遍生不揀淨穢也三已曾下供佛集福十方無邊三世無際此一切佛皆供養故歡慶有遇不住福相故長時無厭四一切下長爲輔翼義通真應五恒以下悲願調生不以偏小利物唯以同體普願攝物令證菩提方顯智體圓足第二成就下總結多門

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無得而稱也菩薩之德焉言不可周宜以類取故云如是無量第二大段與生衆中總三十九衆相從爲三第一雜類諸神衆第二阿修羅下八部四王衆第三三十三天下欲色諸天衆今初有十九衆通名神者靈祇不測故文皆三段第一標數辯類第二列名結數第三攝德圓滿今第一金剛神衆初辯類中以執持此杵守護佛故然一一類皆通有所表如地表心地海表德海等觀其歎德則知通意今此表般若堅利導於衆行到彼岸故二所謂下列名結數然諸衆立名皆隨所得法門爲物立稱一那羅延者此云

堅固由見佛妙色皆不可壞故受此名二見佛身毛猶如日輪現種種光速摧障惱故名曰幢三見佛身光映蔽一切猶如須彌顯于大海神通等法如華開敷故四圓音隨類如雷震故五現爲世主以美妙根令物悟故六智光演法令愛樂故七寶飾妙相如華嚴樹方便警物如雷震音八福深相妙炳著光明如師子王處衆無畏九慈眼視物爲吉祥目神通之焰密現物前故十雨此嚴具及光明故下諸衆皆類此知至得法處名當自顯恐厭繁文下略不釋第三皆於下攝德圓滿十句分二初二句總彰願行由昔願

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

力得預法會常爲親侍由今行滿故能遍侍後積集下別顯滿相一福積淨業二智達定境事定之境隨事百千理定之境卽真如實相不思議定則以無礙而爲其境今皆智照故云明達三通隨佛住四入用難思五處衆超絕六應物調生七隨佛化形八護佛住處文並可知第二身衆神文三同前初辯類有二義一身謂神之自身衆卽同生同名及所隨者凡有其一必更有二共有其三三故名衆能所合目名身衆神二約所主謂此類神專以變化多身爲佛事故二名三德文並可知第三足行神亦有二義一謂依

止足行衆生及守護故如下善見比丘足行之神持華承足故下德中戀仰如來二足所行處卽道路神通表修行履佛所行故第四道場神從所依所守得名下諸神衆類皆同此言道場者非唯護佛道場但有莊嚴道場之處卽於中護故下德中願供養佛表護萬行道場及修行者故第五主城神表行德防御法城心城故如摩耶處說德中以已德行嚴佛宮殿者一佛殿爲所守之最瑩飾爲尊佛故二主伴善根互融攝故三瑩飾自心佛安處故第六主地神表深重願荷負行德故亦表心地爲依持故第七主山神

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

通表萬德高勝性皆閑寂別表智德最高故德中云得清淨眼名中多有光稱第八主林神表以無漏智導於衆行森聳建立故德中云皆有可愛光明第九主藥神表行德伏惑資益法身若約利他則三業不空如藥樹王故下德中性皆離垢卽伏惑去病也仁慈祐物卽進善補益也名中總名主藥藥旣不同神神各別吉祥者主香茅之類也清淨光明謂乳石之流名稱普聞如藥樹王雪山忍草等明見十方謂眼藥等約法準之第十主稼神稼者樹五穀也表萬行法味資益自他他自益稱心故德中大喜成就十一

主河神卽河伯之流也表法河流注潤益羣品又於生死瀑流拯彼漂溺江河淮濟清濁俱河故生死法流此神皆主德中勤益生者謂遇公流則平波息浪逢泝泳則微風輕動水性之屬深止而住居陸行之流富生而應采導百川而去害灌萬頃而開利爲勤作意利益衆生約所表法隨意消息十二主海神卽海若之輩表具含萬德一一深廣也名中三名遠塵離垢者瑜伽八十六云現斷煩惱離故遠塵彼隨眠離繫故離垢今約近事塵謂塵境垢卽煩惱六根對境了彼性空故曰遠塵衆惑不行誠爲離垢心境相

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

藉離垢由於遠塵十三主水神者通上河海等水及雨露霜雪等也表法水含潤等多義理故德中拯溺爲救濟危爲護謂已溺邪見貪愛水者救之將沉者護之而爲利益卽雲雨等潤發生萬物也法合可知十四主火神卽宋無忌之流也以顯智慧火燒煩惱薪成熟善品破無明闇耳德中夫火有二能一能爲益二能爲損今用益止損表法亦爾示慧光以去闇用益也除惑苦之熱惱止損也十五主風神通表方便無住無所不摧別表如下十六主空神表法性空別卽離染周遍等亦各如名辯德中若情塵亂起翳

本性空智日高昇則情雲自卷空有日而廓爾無際智合理而杳然無涯故云爾耳十七主方神卽東方青帝等類也表顯邪正方隅使行無迷倒德中身智教光無不引攝名普放也無時不放所以稱恒如日周天故相續不絕十八主夜神表於無明黑闇生死長夜導以慧明令知正路德中夜分亡寢是曰勤修翻彼長迷故以法爲樂十九主晝神於晝攝化顯行德恒明也德中先修正解後勤正行有信無解增長無明有解無信還生邪見信因解淨解藉信深晝之義也上來多主器界故但名神準梵本除金剛神餘

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

皆女神表慈育故菩薩同於彼類以攝衆生自下攝領有情皆受王稱並是丈夫第二八部四王衆文有八段前四雜類後四能統是天王所統是八部今初阿修羅亦云阿素落梵音楚夏耳婆沙譯爲非天佛地論云天趣所攝以多行諳媚無天實行故曰非天依阿毗曇亦鬼趣攝諳曲覆故正法念經鬼畜二攝以羅睺阿修羅是師子子故伽陀經天鬼畜攝具上說故由此或開六趣或合爲五多好鬪諍懷勝負故或居衆相山中或居海下如正法念說然有大力者廣修福故今之修福有懷勝負諳媚心者多生其中

羅睺此云攝惱以能將手隱攝日月令天惱故二毗摩此云絲也質多羅種種也謂此王能以一絲幻作種種事故德中實者因果俱慢故權應偏摧非不斷餘故云及也二迦樓羅昔云金翅正云妙翅以翅有種種寶色莊嚴故就此就狀翻若敵對翻此云大嗉項以常著龍於嗉中故此鳥能食消魚龍七寶然鳥及龍各具四生謂卵胎濕化後後勝前前劣不能食勝謂卵生鳥不能食胎等勝能噉劣化食四生如增一辯以化食化暫得充虛亦表菩薩攝生故離世間品云菩薩迦樓羅如意爲堅足乃至搏攝人天龍安置

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

大方廣佛華嚴經疏卷第五

十一

用五

涅槃岸大速疾力者增一中說此鳥食龍從金剛山頂鐵杖樹下入海取龍水未合間還至本樹是爲速疾大海處攝持力者卽是攝彼命將盡者食之而龍受三歸及袈裟一縷在身則不可取菩薩亦爾如前引離世間品說又出現云取善根熟衆生置佛法中此爲命盡若心有邪歸斷見所覆則不可取普觀海者卽周四天下求命盡龍德中大方便力卽雖了衆生空而能入有是十力止觀也普能救攝卽鼓生死大愛海水取善根熟者也如出現品說三緊那羅者此云疑神謂頂有一角形乃似人面極端正見者生

疑爲是人耶爲非人耶因此立稱依雜心論畜生道攝亦云歌神以能歌詠是天帝執法樂神卽四王眷屬表菩薩示衆生形而非衆生常以法樂娛衆生故德中要勤觀察則得法樂怡神自他兼樂爲自在遊戲四摩睺羅伽者此云大腹行卽躰之類亦表菩薩遍行一切而無所行也德中此類聾駛故令方便捨寢五夜又王初一是北方天王卽毗沙門是也若從能領是天衆攝今從所領爲名然四王各領二部從一立稱夜叉此云輕捷飛空速疾故亦云苦活此天又領一部名羅刹此云可畏名中云毗沙門者此云

枝那

大方廣佛華嚴經疏卷第五

十一

用五

多聞以福德之名聞四方故此一是天夜叉之王餘九是夜叉夜又卽王雖一是天又從所領況九皆夜叉故非天衆下三例然如龍中娑竭羅王豈是天耶德中此類飛空噉火故菩薩示爲其玉翻加守護亦令愛見羅刹不害法身慧命也六龍王亦初一是天卽西方天王毗樓博又唐三藏譯云醜目毗樓醜也博又目也日照三藏譯云毗遍也多也樓者具云嚙波此云色也博吃又此云諸根也謂眼等諸根有種種色故以爲名此不必醜也此王主二部謂龍及富單那富單那者此云熱病鬼也娑竭羅此云海也於

大海中此最尊故獨得其名德又迦舊云多舌以譬語故正云能害於所害德又者能害也迦者所害也謂若瞋噦視人畜皆死也無熱惱者卽阿耨達池之龍也諸龍有四熱惱今皆離故四熱至下當釋智論云此龍是七地菩薩須彌藏經云是馬形龍主又一切龍總有五種形類一象形善住龍王爲主二蛇形難陀龍王爲主三馬形阿那婆達多龍王爲主四魚形婆樓那龍王爲主五蝦蟆形摩那斯龍王爲主德中外則雲行雨施散去炎毒內則慈雲廣被法雨普霑散業惑苦之熱惱七鳩槃茶王初一是南方天王

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

卽毗樓勒又此云增長主謂能令自他善根增長故此王更領一部謂薜荔多薜荔多者此云魔魅鬼餘如音義德中此類障礙深重故偏明無礙自學權實無礙法界智光以利衆生入乾闥婆此云尋香謂諸樂兒不事生業但尋諸家飲食香氣卽往設樂求食自活因此世人號諸樂人爲乾闥婆彼能執樂故以名焉亦云食香止十寶山間食諸香株卽帝釋執樂神也帝釋須樂此王身有相現提頭賴吒卽東方天王此云持國謂護持國土安衆生故此從所領爲名更領一部名毗舍闍此云歟精氣謂歟有情及五般

精氣故德中大法卽大緣起法也信解故歡喜深心故愛重旣歡旣重故不替修行第三月天子下十二段明欲色諸天衆天者自在義光明義清淨義智論云天有三種一人天謂帝王二生天謂欲色等三淨天謂佛菩薩第一義天今通後二然諸天壽之長短身之大小衣服輕重宮殿勝劣俱舍十一及瑜伽等論起世等經皆廣辯之恐繁不敘文中先有七段明欲界天後有五段明色界天前中卽分爲七今初月天子月者缺也有虧缺故下面頗厭迦寶水精所能冷能照表菩薩得清涼慈照生死夜如云菩薩清

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

涼月等名中初一是總雖標總稱卽受別名下皆準此德中顯發衆生心寶者水珠見月則流潤發光淨心遇緣則慈流智發生了旣發正因顯然生由性成則了非外入生與不生無二發乃發其本心故顯發雙辯二日天子日者實也常充實故下面亦頗祇迦寶火精所能熟能熟能照表菩薩智照故又日以陽德月以陰靈一能破暗表根本破惑一能清涼表後得益物又依寶性論法日有四義一破暗如慧二照現如智三輪淨如解脫四上三不相離如同法界也名中可畏敬幢者爲惡者畏其照明爲善者敬其辯

以斯超出故以名幢德中居者辦業成就本行等利益也生長穀稼開敷覺華等爲增長善根如出現品三三十三天者佛地論等皆云妙高山四面各有八大天王帝釋居中故有三十三也下釋天名皆依佛地名中言釋迦等者釋迦能也因陀羅主也具足應云釋迦提桓因陀羅提桓天也卽云能天主撫育勸善能爲天主故更有異釋如音義說德中言發起廣大業者令修普賢行故以此天居地天之頂總御四洲雖勝事頗多猶懼修羅之敵若修善者衆卽天侶增威苟爲惡者多卽諸天減少故多好勸發況受佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

付囑大權應爲至如堅常啼之心施雪山之偈成尸毗大行破盧志巨慳談般若於善法堂中揚大教於如來會下等皆是發起廣大業也四須夜摩天須者善也妙也夜摩時也具云善時分天論云隨時受樂故名時分天又大集經此天用蓮華開合以明晝夜又云赤蓮華開爲晝白蓮華開爲夜故云時分也隨時別受樂亦殊故大論云隨時受樂也德中心恒喜足者喜足在於第四今幕上而修五兜率天王此云喜足論云後身菩薩於彼敎化多修喜足之行故得少意悅爲喜更不求餘爲足德中彼天是諸佛上生之處故令修念佛三昧也召體曰名響頌人天爲號通號別名皆悉念也不計一方故云一切以諸如來同一法界體德均故念卽明記而慧逾增持而不忘故無間斷以佛爲境何五塵之能惑哉六化樂天王論云樂自變化作諸樂具以自娛樂又但受自所化樂不犯他故名爲善化也變謂轉變轉麤爲妙化謂化現無而忽有德中以出世化故得解脫七他化自在天王論云令他化作樂具以自娛樂顯已自在故名中寂靜境門者境爲入理之處卽是門也根無躁動故稱寂靜根卽門也根無取著方見境空合爲

支那
文庫
卷第十一
十一

生之處故令修念佛三昧也召體曰名響頌人天爲號通號別名皆悉念也不計一方故云一切以諸如來同一法界體德均故念卽明記而慧逾增持而不忘故無間斷以佛爲境何五塵之能惑哉六化樂天王論云樂自變化作諸樂具以自娛樂又但受自所化樂不犯他故名爲善化也變謂轉變轉麤爲妙化謂化現無而忽有德中以出世化故得解脫七他化自在天王論云令他化作樂具以自娱乐顯已自在故名中寂靜境門者境爲入理之處卽是門也根無躁動故稱寂靜根卽門也根無取著方見境空合爲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

門也故騫掘經云明見來入門具足無減修德中物
我自在卽廣大法門第二色界諸天衆有五衆以第
四禪有二衆故然四靜慮攝天多少下經頻列至十
藏品當會釋之多依十八初靜慮四二三各攝三天
皆舉最上以勝攝劣故但列一下文說頌遍觀諸天
第四靜慮自攝九天上五小乘聖居非此正彼異生
位中廣果至極故今列之大自在天三千界主所以
別列今初大梵天王衆佛地論云離欲寂靜故名爲
梵具云梵摩此云清潔寂靜謂剗離欲染故名清潔
得根本定名爲寂靜尸棄此云持髻謂此梵王頂有

肉髻似螺形故亦名螺髻或云火頂以火災至此故
貌如童子身白銀色衣金色衣禪悅爲食德中本修
慈心得生梵世等流相續還慾衆生好請轉法輪故
智光照物不爲汙行故身光發揮若有遇之身心悅
樂第二光音天二禪第三天也智論亦云第二禪通
名光音彼天語時口出淨光故有云彼無尋伺言語
亦無用光當語故名光音瑜伽名極光淨謂淨光遍
照自他處故德中定生喜樂離尋伺故得寂靜名然
凡得之捨動求靜故非廣大味定之喜非無礙法今
菩薩卽動而靜不散不味是爲廣大無礙法門也第

三遍淨天此天離喜身心遍淨故德中身心遍淨未爲廣大物我無二普益世間方爲廣大也第四廣果天卽第四禪第三天於異生善果此最廣故所有功德勝下三故德中此天離八災患世中最寂今以實智住本寂之宮第五大自在者梵云摩醯首羅是也於三千界最自在故智論第二云此天有八臂三目乘白牛執白拂一念之間能知大千雨滴下經同此準智論第十一過五淨居有十住菩薩處亦名淨居號大自在天王又三乘中立此爲淨土是報身所居約實但是第十地菩薩攝報之果多作綴王耳德

中三界之頂非無相不超非離相求故所行平等然上釋名歎德多從義便以順類殊若約實德無不互有皆可虛求衆海雲集元

大方廣佛華嚴經疏卷第十五

音釋

汎灋

汎孚乎梵切浮也

灋

以瞻切水動貌

灋

朱欲切

睂

壹計切

撓

奴

切

搏

搏

搏

搏

切擾

亂也

瀑

蒲報切

流

而土也

汎

蘇故切逆

流

命切

闡

丁候切

競也

搏

搏

各切

擊也

初加切

木

麌

嚙

鳥故切

搏撮

搏倉括切

取也

搏

歧伎也

也

麌

麌於琰切

魅明祕切

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

三遍淨天曲

方丈廣傳寺廣教卷第

三遍

三遍

正

音

大

丈

賀

華

氣

鈞

卷

下

正

知

大

千

雨

洞

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

正 目 治也 聖也 離也 未治也 罷也 壹也 告也 封也

横道

方廣傳

卷五

五

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

ア、一